

說文解字義林

卷三十三

第二十三冊

字 131.34  
冊 49.5  
部 - 23





說文解字第十一

義證第三十三

水

準也北方之行象眾水竝流中有微陽之氣也凡水

之屬皆從水

式軌切



玉篇水流津也

春秋元命苞水之為言演也陰化淖濡流

施潛行也故其立字兩人交一以中出者為水一者數之始

兩人譬男女言陰陽交物以一起也淮南天文訓積陰之

寒氣為水鹽鐵論秋生冬成故水生於申管子水地篇

水者地之血氣如筋脈之通流者也元中記天下之多者

天在地方外水在天外浮天而載地者水也抱朴子黃帝曰

天地者水也吐元氣發日月經星辰皆由水而興又曰九州

之外皆水也顧子水有四德沐浴羣生深流萬世是仁也

揚清激濁蕩去滓穢是義也柔而難犯弱而難勝是勇也道

江疏河惡盈流謙是智也韓詩外傳問者曰夫智者動而以

樂於水也曰夫水者緣理而行不遺小閒似有智者動而之

說文解字卷三十三

下似有禮者蹈深不疑似有勇者障防而清似知命者歷險  
致遠卒成不毀似有德者天地以成羣物以生國家以寧萬  
事以平品物以正此  
智者所以樂於水也

準也者水準聲相近集韻準數軌切本書灋荆也平之如  
水從水廣韻水準也釋名水準也準平物也爾雅疏引白  
虎通水之為言準也考工記斲人斲注則利準鄭注故書  
準作水栗氏為量權之然後準之鄭注準故書或作水輪  
人水之以其平沈之均也釋言坎銓也樊光注坎水也  
水性平銓亦平也易繫辭易與天地準鄭注準平也管子  
水地篇水者萬物之準也尙書大傳非水無以準萬里之  
平淮南齊俗訓視高下不差尺寸明主弗任而求之乎浣  
準高注浣準水望之平說林訓水靜則平平則清清則見  
物之形弗能匿也故可以為正尙書帝命驗五府黑曰元  
矩注云黑帝汁光紀之府名曰元矩矩法也水精元味能  
權輕重故謂之元矩漢書律歷志以井水準其槩李尋傳  
水為準平王道公正修明則百川理落脈通說苑夫水者  
至量必平盈不來槩韋昭辨釋名平準令主平物價使相  
依準通鑑注準揆平之物漢有水衡官史記有平準書  
北方之行者白帖水冠五行之始易說卦坎為水正義云

取其北方之行也書洪範五行一曰水春秋元命苞水者  
天地之包幕五行之始焉萬物之所由生元氣之津液也  
計倪子內經元冥治北方白辯佐之使主水鶚冠子泰鴻  
篇以水沈物天下盡水也使居北方主冬子華子北方陰  
極而生寒寒生水申鑒北方水也蹈之不沈白虎通水位  
在北方北方者陰氣在黃泉之下任着萬物水之為言準  
也陰化沾濡漢書五行志水北方終藏萬物者也又李尋  
傳五行以水為本其星元武婺女天地所紀終始所生抱  
朴子水行為智為黑象眾水並流中有微陽之氣也者  
爾雅釋文引作象眾泉並流著微陽之氣也本書入賦支  
流也馥謂水字中畫從一坎古文作三中畫陽也元命苞  
水者元氣之腴液也周語川氣之導也乾坤鑿度水內剛  
外柔性下不恆附於氣也子華子陰之正氣其色黑  
水陽也而其伏為陰書洪範正義五行之體水最微



西極之水也從水八聲爾雅曰西至汎國謂四極府  
切

西極之水也者廣韻汎西極水名爾雅曰西至汎國謂  
四極者釋地文彼作邠釋文邠說文作汎字音同廣韻汎  
兌文解字

西方極遠之國列子湯問篇西行至幽人民猶是也注引爾雅為證漢書司馬相如傳右西極郭璞曰西極國也文穎曰爾雅曰西至於幽國為西極在長安西故言右離騷朝發軔於天津兮夕余至乎西極淮南地形訓西方曰西極之山曰閭闔之門

# 河

水出焯煌塞外昆侖山發原注海從水可磬乎哥切

釋名河下也隨地下處而通流也春秋說題辭河之為言荷也荷精分布懷陰引度也孝經援神契河者水之伯上應天漢史記大宛傳于寘之西則水皆西流注西海其東水東流注鹽澤鹽澤潛行地下其南則河源出焉漢書西域傳西域在匈奴之西烏孫之南南北有大山中央有河其河兩原一出蔥嶺山一出于闐于闐在南山下其河北流與蔥嶺河合東注蒲昌海蒲昌海一名鹽澤者也去玉門陽關三百餘里廣袤三百里其水亭居冬夏不增減皆以為潛行地下南出於積石為中國河云禹貢導河積石淮南地形訓河水出崑崙東北陬貫勃海入禹所導積石山高注勃海外北經禹所導積石之山河水所入注云河出昆侖而潛

行地下至蔥嶺復出注鹽澤從鹽澤復行南出於此山而為中國河遂注海也書曰導河積石言時有壅塞故導利以通之西山經積石之山其下有石門河水冒以西流郭注積石山今在金城河門關西南羌中河水行塞外東入塞內括地志大積石山在吐谷渾界小積石山在枹罕縣西北後漢書段熲傳自張掖追西羌且鬪且行四十餘日至河首積石山出塞三千餘里唐書吐谷渾傳君集道宗行空荒二千里閱月次星宿川達柏海上望積石山覽觀河源元和和郡縣志積石山一名唐述山今名小積石在枹罕縣西北七十里按河出積石山在西南羌中注於蒲昌海潛行地下出於積石為中國河故今人目彼山為大積石山此山為小積石山按禹貢導河積石至于龍門又曰導洛自熊耳按洛水出上洛西山經熊耳之北所言導者皆謂紀所施功不必自其源也胡渭曰水經崑崙崑崙墟在西北去嵩高五萬里地之中也其高萬一千里河水出其東北陬屈從其東南流入於渤海又東與于闐河合南河又東逕于闐北又東北逕扞彌國北又東逕且末國北北河又東北流分為二水枝流出焉北河自疏勒逕流南河之北又東逕莎車國南又東南逕溫宿國又東逕姑墨國南又東逕注賓城南又東逕樓蘭城南南又東注於渤澤又出海外南至積石山下有石門河水冒

以西南流攔截今移置於此錯簡又東入塞過敦煌酒泉張掖郡南按水經敘西域兩源較漢書尤為明備惟是積石一山錯簡在渤海之下蔥嶺之上遂來後人之彈射而不知此非其本文乃妄庸人之所竄易也春秋釋例河出西平西南二千里從西平東北經金城故北地朔方五原至故雲中南經平陽河東之西界東經河東河內之南界東北經汲郡頓邱陽平平原樂陵之東南入海馥案此河道與禹貢不同蓋據當時言之釋水河出崑崙虛色白所渠并千七百一川色黃百里一小曲千里一曲一直文十二年公羊傳河曲疏矣河千里而一曲也物理論河色黃赤眾川之流蓋濁之也百里一小曲千里一大曲河圖絳象黃河出崑崙山東北流千里折西而行至於蒲山南流千里至於華山之陰東流千里至於桓雍北流千里至於下津河水九曲長九千里入於渤海史紀殷本紀載湯誥之言曰東為江北為濟西為河南為淮四瀆已修萬民乃有居博物志四瀆河出崑崙虛江出岷山濟出王屋淮出桐柏水出焯煌塞外崑崙山者山當為虛本書崑崙邱謂之崑崙虛釋地西北之美者有崑崙虛之璆琳琅玕焉釋水河出崑崙虛河圖括地象崑崙之墟有五城十二樓河水出四維多玉水經崑崙崑崙虛在西北博物志地部之位起形高

大者有崑崙墟其泉南流入中國名曰河也河圖始開圖黃帝問風后曰余欲知河之始開風后曰河凡有五皆始開乎崑崙之墟海內西經海內崑崙之墟在西北北山經敦蒙之山敦蒙之水出焉而西流注於勃澤出於崑崙之東北隅實惟河原郭注即河水出崑崙之墟淮南子崑崙虛中有增城九重凡此諸說皆稱崑崙虛亦或稱邱如西山經崑崙之邱是實惟帝之下都河水出焉大荒經西海之南流沙之濱赤水之後黑水之前有大山名曰崑崙之邱古文苑靈河賦咨靈川之遐源兮於崑崙之神邱是也其稱山者廣韻勃崑崙山下澤也崑崙山記崑崙崑崙山一名崑崙邱風俗通義河出焯煌塞外崑崙山發源注海此即據本書之文亦稱山為可疑也易林泉出崑崙流為九河十洲記崑崙即崑崙中狹上廣故曰崑崙博物志崑崙出五色流水東南流黃水入中國為河成公綏大河賦覽百川之宏壯莫尚美於黃河潛崑崙之峻極出積石之嗟峨發原注海者廣雅崑崙虛河水出其東北陬入東海漢書地理志金城郡河關縣積石山在西南羌中河水行塞外東北入塞內至章武入海過郡十六行九千四百里禹貢導河積石至于龍門南至于華陰東至于砥柱又東至于孟津東過洛汭至于大伾北過降水至于大陸又北播

爲九河同爲逆河入于海釋水江河淮濟爲四瀆四瀆者  
發源注海者也釋名瀆獨也各獨出其所而入海也許敬  
宗曰瀆者獨也獨能赴海也淮南說山訓江出岷山河出  
昆侖濟出王屋潁出少室漢出嶧豕分流舛馳注於東海  
所行則異所歸者一管子水有大小有遠近水出山而流  
入海者命曰經水引他水及歸於大水入海者命曰枝水  
可聲者本書序形聲者以事爲名取譬相成江河是也  
賈公彥說周禮六書云書有六體形聲實多若江河是左  
形右聲鳩錫是右形左聲草藻是上形下聲婆娑是下形  
上聲圃國是外形內聲闐衡威辨壘羸是內形外聲此形  
聲之等  
有六也



澤在昆侖下從水幼聲讀與緞同

於糾切

澤在昆侖下者御覽引作澤在崑崙虛下廣韻泐崑崙山  
下澤也水經河水又東注於泐澤屬注卽所謂蒲昌也史  
記大宛列傳于寘之西則水皆西流注西海其東水東流  
注鹽澤鹽澤潛行地下其南則河源出焉鹽澤去長安可  
五千里正義漢書云鹽澤去玉門關三百餘里廣袤三四  
百里其水皆潛行地下南出於積石山爲中國河括地志

云蒲昌海一名泐澤一名鹽澤亦名輔日海亦名穿藹亦  
名臨海在沙州西南漢書地理志敦煌郡正西關外有白  
龍堆沙有蒲昌海西山經不周之山北望諸虺之山臨彼  
嶽崇之山東望泐澤河水所潛也其原渾渾泡泡郭注河  
南出昆侖潛行地下至蔥嶺出于闐國復分流岐出合而  
東流注泐澤已復潛行南出於積石山而爲中國河也泐  
澤卽蒲澤一名蒲昌海廣三四百里其水停冬夏不增減  
去玉門關三百餘里卽河之重源所謂潛行也又長沙之  
山泐水出焉北流注於泐水注云水色黑也馥案大荒經  
所謂赤水之後黑水之前有崑崙邱者黑水卽泐也西山  
經槐江之山邱時之水出焉而北流注於泐水南望崑崙  
其光熊熊其氣魂魂馥案經言南望是崑崙在黑水之前  
矣



陳水出發鳩山入於河從水東聲

德紅切

此水當與  
漳沁相次

水出發鳩山入於河者水經注濁漳水云漳水又東陳水  
注之水西出發鳩山東逕余吾縣故城南又東逕屯留縣

故城北又東流注於漳故許慎曰水出發鳩山入關從水章聲也馥案陳水當為涑水章聲當為東聲入關當為入壺關漳水徑壺關縣故城西也本書今作入於河後人亂之寰宇記八十八川水出潞州長子縣界發鳩山西南合沁水此川長八十里因名

涑

水出廣漢剛邑道徼外南入漢從水吝聲

縛牟切

水出廣漢剛邑道徼外南入漢者呂當為氏漢書百官表縣有蠻夷口道漢書音義徼塞也以木柵水為蠻夷界地理志廣漢郡剛氏道涪水出徼外南至墊江入漢過郡二行千六十九里又涪縣莽曰統陸應劭曰涪水出廣漢南入漢華陽國志漢中志剛氏縣涪水所出水經涪水出廣漢魏涪縣西北南至小廣魏與梓潼水合酈注涪水出廣漢屬國剛氏道徼外東南流涪縣西又東南逕縣竹縣北又東南逕南安郡南又南枝津出焉西逕廣漢五城縣為五城水又西至成都入於江又水經梓潼水出其縣北界西南入於涪又西南至小廣魏南入於墊江酈注亦言涪水至此入漢水元和志涪州武龍縣涪江水在縣南屈北流注於蜀江又云射洪縣有梓潼水與涪江合流急如箭

奔射江口蜀人謂水口曰洪因名射洪九域志縣州巴西縣有涪水

涪

水出廣漢梓潼北界南入墊江從水童聲

徒紅切

水出廣漢梓潼北界南入墊江者墊當為藝本書藝下云巴郡有藝江縣地理志廣漢郡梓潼縣應劭曰潼水所出南入墊江元和志梓州因梓潼水為名也又云岐江水下流卽梓潼水寰宇記梓州鹽亭縣梓潼水源出劍州陰平縣豆圍山石穴東南經縣州鹽泉縣流入當縣又云開州新浦縣墊江水源自縣高粱山東北流於縣南入常渠水

江

水出蜀蒲氏徼外岨山入海從水工聲

古雙切

釋名江公也小水流入其中公其也廣雅江貢也風俗通江者貢也所出珍物可貢獻也江源記平康縣有羊腸嶺大江發源之所馥案腸當為膊李膺益州記羊膊嶺水分二派一東南流為大江一西南流為大渡河寰宇記羊膊山在平康縣山下有二神湫大江始發之所金履祥尚書注岷山數百峯大西山為最大雪山峯闖其後冬夏如爛銀一谷名鐵豹嶺者有西岳廟廟下名羊膊石江水正源也詩四月滔滔江漢南國之紀箋云江也漢也南國之大水紀理眾兌文解字卷三十三

川使不壅滯 禹貢三江既入鄭注左合漢為北江會彭蠡為南江岷江居其中則為中江故書稱東為中江者明岷江至彭蠡與南北合始得稱中也 楊慎曰江出岷山其源實自蜀西戎萬山來至嘉州而沫水自雋州合大渡河穿夷界十山以會之至敘州而馬湖江會之又十五里而南廣江會之至瀘州而內江又自資簡會之至重慶而嘉陵江自利閬果合等州會之至涪州而黔江合南夷諸水會之至萬縣而開江水自開達等州會之夫然後總而入峽是江自峽而西受大水凡八及出峽而下岳陽則會之者洞庭湖所受湖南北諸水也又自是而下鄂渚則會之者漢口所受興元諸水也又自是而下黃州東四十五里則會之者巴河也又自是而下九江則會之者彭蠡今名鄱陽湖所受江東西諸郡水也又自是而下則會之者皖水所受淮西諸水也夫然後總而入海是以自峽而東又受大水凡五畧計天下之水會於江者居天下之半其名稱之大而可考者凡十有三故曰江源其出如甕而能滔滔萬里達海所受者眾也 胡渭曰華陽國志李水穿郫江檢江即流江自漢以來皆以郫江為沱水流江為大江水經所敘江水自都安以至成都者攷其原委皆流江也然流江實非大江江原縣鄴水近世謂之大阜江者則岷江之正流也而班氏以為首受江故鄭康成

云沱之類鄴與郫俱為沱而流江於是乎為大江矣

水出蜀滬氏徼外崕山入海者崕當作駱氏下當有道字地理志蜀郡滬氏道禹貢崕山在西徼外江水所出東南至江都入海過郡七行二千六百六十里胡渭曰江自松潘至泰州行七千九百六十里自泰州至海門入海又四百里通計得八千三百餘里二當作入或是七閩若據曰漢志言江行二千二百六十里案水經江水東過夷陵縣南注說宜昌縣流頭灘而引袁山松曰自蜀至此五千餘里干寶晉紀吳使紀陟如魏司馬昭問吳成備幾何對曰西陵至江都五千七百里宜昌今宜都縣在西陵之東自江發源松潘至此四千四百五十里西陵今宜昌府治東湖縣自此至江都不過四千里山松與陟言皆誇然其計亦當有八千餘里二當作入馥案過郡七者蜀郡犍為巴郡南郡江夏廬江廣陵也地理志又云會稽毗陵縣江在北東入海又地理志崕山之陽顏注崕山在蜀郡滬氏西江所出經典用岷字禹貢岷山導江家語夫江始於岷山其源可以濫觴郡國志蜀郡滬氏道岷山在西徼外括地志江水源出岷州南岷山南流至益州即東南流入蜀至瀘州東流經三峽過荊州與漢水合風俗通義江出蜀郡滬

氏微外岷山入海海內東經岷三江首大江出汶山郭注  
今江出汶山郡升遷縣岷山東南經蜀郡犍爲至江陽東  
北經巴東建平宜都南郡江夏弋陽安豐至廬江南界東  
北經淮南下邳至廣陵郡入海楚詞九章隱岷山以清江  
王注岷山江所出也高誘注呂氏春秋有始篇江水云江  
水出岷山在蜀西徼外淮南地形訓江出岷山東流絕漢  
入海左還北流至於開母之北右還東流至於東極高注  
開母山名在東海中地形訓又云何謂六水曰河水赤水  
遼水黑水江水淮水注云江出岷山在蜀西徼外荆州記  
江出岷山其源若養口可以濫觴在益州建寧漏江縣潛  
行地底數里至楚都遂廣十里陸游入蜀記嘗登岷山欲  
窮江源而不可得蓋自蜀郡之西大山廣谷餘萌起伏西  
南走巒箐中皆岷山也則江所從來遠矣范成大吳船錄  
江源自西戎來由岷山瀾壑中出而合於都江今世所云  
止自中國言耳或借汶字禹貢岷嶓既藝岷山導江史記  
竝作汶海內東經大江出汶山輿地廣記汶山在茂州汶  
山縣西俗謂之鐵豹嶺禹之導江發迹於此管子霸形篇  
望汶山注云汶音岷岷山江水所從出子華子江之源出  
於汶山其大如甕口其流可以濫觴順沿而下控諸羣荆  
廣袤數千里方舟然後可以濟此無他故也所受於下流

者非一壑也春秋釋例江水出汶山升遷縣岷山經南郡  
江夏至廣陵入海元和志大江水一名汶江至汶山故郡  
乃廣二百步又云茂州汶山縣汶江北自翼州南流經縣  
西二里九域志茂州汶山縣有汶山岷江六經正誤考工  
記貉踰汶則水注汶水在魯北釋文汶音問水名按列子  
湯問篇鸚鵡不踰濟貉踰汶則水矣殷敬順釋文汶母巾  
反鄭元云汶水在魯城北先儒相因以爲魯之汶水皆大  
誤也按史記汶與嶧同母巾反謂汶江也非音問之汶案  
山海經大江出汶山郭云東南逕蜀郡東北逕巴東江夏  
至廣陵入海韓詩外傳云昔者江出於汶山其始也足以  
濫觴是也又楚辭去隱汶山之清江固可明矣且列子與  
周禮通言水土異性則遷移有傷故舉四瀆以言之案今  
魯之汶水濶不踰數十丈源不遇二百里揭厲皆渡斯須  
往還豈狐貉暫游生歎頓隔乎說文云貉狐類也皆生長  
邱陵旱地今江邊人云狐不渡江是明踰越大水則傷本  
性遂致歎也三國志蜀後主至渝登觀坂看汶水之流五  
代史王建貶衛尉少卿李綱爲汶川尉徐無黨注汶讀作  
岷工瞽者本書序形瞽者以事爲名取譬相成江河是  
也



江別流也出嶧山東別為沱從水它聲

徒何切

江別流也者初學記引作陂也從水它聲馥案本書陂沱也蓋沱有二義一為陂一為江沱今脫陂義出岷山東別為沱者出上當有江字釋水江為沱郭璞音義沱水自蜀郡都安縣嶺山與江別而更流禹貢岷山導江東別為沱毛晃曰按地理志南郡枝江縣江沱在西北此荆州之沱也凡江水別出皆也蜀郡郫縣江沱在西北此梁州之沱也凡江水別出皆名為沱此言東別為沱繼於岷山導江之下是江始出而別流者則當在梁州詩言江有沱其荆州之沱歟胡渭曰河渠書蜀守冰穿二江二江一是流江乃冰所創造一是郫江即禹貢之沱時必淤淺冰復從而濬之遂并數為二江地理志蜀郡郫縣禹貢江沱在東入大江括地志繁江水受郫江禹貢曰岷山導江東別為沱源出益州新繁縣通典彭州唐昌縣下云禹貢岷山導江東別為沱沱水在此寰宇記益州沱水在州西南唐隆縣界皂里江是也晉太康地記江沱在新繁縣蕭廣濟注江賦云觸玉壘山東回為沱李膺益州記沱水入都田江胡渭曰郫江即禹貢梁州之沱郫江號北江惟東合湔雒又東南至江陽入江者為禹貢之江沱餘皆後人所穿鑿




江水東至會稽山陰為浙江從水折聲

旨熱切

史記秦始皇本紀至錢唐臨浙江虞喜志林注錢唐江口浙山正居江中潮水投山下折而曲

江水東至會稽山陰為浙江者江水當作漸江水水經漸江出三天子都注云山海經謂之浙江寰宇記引顧野王云今永康縉雲山是三天子之都今在績谿縣東九十里案績谿屬安徽今水出安徽黟縣者為漸江流至會稽山陰為浙江本書脫去漸字遂不知為何江之水矣孔稚珪北山移文馳妙譽於浙右李善引字書與本書同廣韻浙江名在東陽玉篇浙發源東陽至錢塘入海地理志丹陽郡黟縣漸江水出南蠻夷中東入海又石城縣分江水首受江東至餘姚入海胡渭謂分江水在今池州府貴池縣馥案丹陽郡故漳郡在漢初屬會稽郡地此水自首受至入海皆不出會稽一郡即浙江也莊子外物篇自制河以東釋文制依字應作浙漢書音義音逝河亦江也北人名水皆曰河浙江今在餘杭郡後漢以為吳會分界司馬云浙江今在會稽錢塘馥案浙或作淞論語片言可以折獄者鄭注魯讀折為制是也海內東經浙江出三天子都在蠻東在閩西北入海注云案地理志浙江出新安黟縣南

蠻中東入海今錢塘浙江是也蠻卽欽也水經漸江水出  
三天子都北過餘杭東入於海酈注山海經謂之浙江也  
地理志云水出丹陽黟縣南蠻中呂氏春秋曰越王之栖  
於會稽也有酒投江民飲其流而戰氣自倍所投卽浙江  
也許慎晉灼竝言江



水至山陰爲浙江

五何切

水出蜀汶江徼外東南入江從水我磬  
水出蜀汶江徼外東南入江者趙宦光曰汶當爲醫醫改  
作岷元和志嘉州玉津縣汶江在縣城下水經注江水云  
汶水出徼外徑汶江道呂忱曰汶水出蜀許慎以爲汶水  
也出蜀汶江徼外從水我磬南至南安入大渡水大渡水  
又東入江胡渭曰禹貢和夷底績水經注引鄭說云和夷  
和上夷所居之地和水卽汶水和夷磬相近字從而變地  
理志云青衣縣禹貢蒙山谿大渡水東南至南安入汶水  
水出汶江縣徼外南至南安東入江過郡三行三千四十  
里汶乃汶字之誤說文汶水出蜀汶江徼外東南入江從  
水我磬故知汶當作汶和夷者汶水南之夷也又曰大渡  
河卽汶水羊膊嶺卽汶江徼外之山汶水所出水經江水  
東南過犍爲武陽縣青衣水沫水從西南來合而注之此

卽二水會汶水入江處也以今輿地言之汶水自茂州徼  
外南流經黎大所西折而東經所南又東經建昌衛越嶲  
營北又東經峨眉眉縣南又東至嘉定州南合青衣沫水又  
東入大江此水之南蓋卽經所謂和夷也禹導和水使入  
江而其地已底績矣或曰何以知不在水北曰古者桓有  
和音故鄭康成破和爲桓晉地道記云梁州自桓水以南  
爲夷書所謂和夷底績此說是也但不當破和爲桓百馥  
案玉篇廣韻汶汶竝見汶出說文汶出字林而不知爲一  
字也我哉易誤尙書洛誥公無困哉  
漢書元后傳杜欽傳竝引作困我



水出蜀郡縣虎玉壘山東南入江從水前磬一曰手

瀨之子仙切

水出蜀郡縣虎玉壘山東南入江者地理志蜀郡縣虎玉  
壘山瀨水所出東南至江陽入江過郡三行千八百九十  
里又廣漢郡雒縣章山雒水所出南至新都谷入瀨郡國  
志蜀郡縣虎道注云華陽國志曰有玉壘山出壁玉瀨水  
所出水經注瀨水出縣虎道元和志茂州汶川縣玉壘山  
在縣東北四里又云彭州導江縣玉壘山在縣西北二十

九里灌口山在縣西北二十六里漢蜀文翁穿湔江溉灌故以灌口名山九域志茂州汶川縣有玉壘山寰宇記永康軍導江縣玉壘山湔水所出郭璞江賦云玉壘作東壁之標是也李膺益州記云在沈黎郡去蜀城南八百里在導江縣西北二十九里古文苑蜀都賦湔山巖巖注云湔山湔水所出一名玉壘山在成都西北晏氏類要玉壘山湔水所出或借煎字僮約蜀郡王子淵以事到煎上注云玉壘山在成都西北湔水出焉亦名湔山湔水所經行之地故名煎上煎與湔同一日手滌之者集韻引作手滌也廣韻湔洗也三蒼湔濯也字林湔浣也水經注引作半浣水也半當為手戰國策汗明見春申君曰君獨無意湔被臣也說苑汗辱難湔灑漢書武五子傳以湔洒大王顏注湔灑也洒濯也魏志華佗傳病若在腸中便斷腸湔洗北史竇泰傳渡河湔裙產子必易玉燭寶典元日至月晦士女悉湔裳酌酒於水滄以為度厄通鑑烏承玘說史思明曰若歸款朝廷以自湔洗易於反掌百又高仁厚使阡能謀語寨中人曰尙書欲拯救湔洗汝曹注云湔滌也亦洗也言百姓為賊所污染湔洗與維新

水出蜀西徼外東南入江從水末聲

莫割切

才出蜀西徼外東南入江者史記索隱引云水出蜀西南徼外與青衣合東南入江馥案徐鍇本亦有南字顏注漢書溝洫志沫水出蜀西南徼外東南入江文選江賦注引作水出蜀西塞外東南入江武蓋切九經字樣沫水出蜀水經沫水出廣柔徼外東南過旄牛縣北又東至越雋靈道縣出蒙山南東北與青衣水合東入於江又云青衣水出青衣縣西蒙山東與沫水合也地理志蜀郡青衣縣禹貢蒙山谿大渡水東南至南安入湔案蒙山谿即水經之青衣水大渡水即此沫水二水合流會湔水入江非自入江也湔水即水績漢書郡國志蜀郡屬國漢嘉下云沫水從西來史記河渠書蜀守冰鑿離離辟沫水之害司馬相如傳西至沫若水索隱張揖曰沫水出蜀廣平徼外與青衣水合也華陽國志漢嘉縣有沫水音妹又音末蜀都賦演以潛沫劉逵注有水出岷山之西東流過漢嘉南流有高山上合下開水經其中曰沫水水潛行曰演此二水伏流故曰演以潛沫唐書李德裕傳由清溪下沫水而左盡為蠻有九域志嘉州龍游縣有沫水寰宇記嘉州羅目縣大渡河一名沫水在縣南一百八十步末聲者顏注溝洫志沫音本末之末

**涇水** 水出犍為涪南入黔水從水盃磬烏魂切

水出犍為涪南入黔水者涪當為符地理志犍為郡符縣  
溫水南至暨入黠水黠水亦南至暨入江顏注黠音紀炎  
反馥案涪屬廣漢郡非犍為也黔黠涪符音相近水經注  
延江水云溫水一曰煖水出犍為符縣而南入黠水黠水  
亦出符縣南與溫水會闕駟謂之闕水俱南入暨水暨水  
於其縣而東注延江水又云西水北岸有黠陽縣許慎曰  
溫水南入黠蓋暨水以下津流沿注之通稱也故縣  
受名焉元和志成都府溫江縣大江俗謂之溫江

**潛水** 水出巴郡宕渠西南入江從水鶯磬昨鹽切

水出巴郡宕渠西南入江者潛經典借潛字或借涪字書  
禹貢沱潛既道地理志作潛史記夏本紀沱涿已道水經  
潛水出巴郡宕渠縣又南入於江馥案酈  
氏誤以為禹貢梁州之潛故注多不合

**沮水** 水出漢中房陵東入江從水且磬子余切

水出漢中房陵東入江者水經沮水出漢中房陵縣東南  
過臨沮縣界又東南過枝江縣東南入於江酈注云沮水

出東汶陽郡沮陽縣西北景山即荆山首也故淮南子曰  
沮出荆山高誘云荆山在左馮翊懷德縣蓋以洛水有漆  
沮之名故也斯謬證百杜預云水出新城郡之西南發阿  
山蓋山異名也沮水與漳水合焉又東南逕長城東又東  
南流注於江謂之沮口也中次入經荆山之首日景山睢  
水出焉東南流注於江注云今睢水出新城魏昌縣東南  
發阿山東南至南郡枝江縣入江也初學記云荊州記沮  
縣西北半里有雁浮山是山海經所謂景山沮水之所出  
也元和志永清縣本漢房陵縣地沮水出縣西南景山東  
南入於漢江左傳曰江漢沮漳楚之望也應劭曰沮水出  
漢中房陵東入江毛晃曰荊州沮水在房陵左傳所謂江  
漢沮漳楚之望也導川云漆沮既從即雍州之沮也徐鍇  
繫傳云王粲所謂  
倚曲沮之長洲

**滇池** 益州池名從水真磬都年切

益州池名者池徐鍇韻譜作沱馬注禹貢沱湖也廣韻滇  
池在建寧地理志益州郡滇池縣滇池澤在西北十道志  
姚州雲南郡蓋夷越之地漢武開之置益州部有滇池澤  
華陽國志南中志滇池縣故滇國也有澤水周迴二百里

所出深廣下流淺狹如倒流故曰滇池長老傳言池中有神馬或交馬即生駿駒俗稱之曰滇池駒日行五百里譙周異物志滇池在建寧界有大澤水周二百餘里水乍深廣乍淺狹似如倒池故俗云滇也通鑑諸葛亮遂至滇池注云滇池縣屬益州郡池周回二百餘里水源深廣而未益淺狹有似倒流故謂之滇池滇音顛或借顛字子虛賦文成顛歌注云益州顛池縣其人能西南夷歌顛與滇同

# 涪

水出益州牧靡南山西北入澠從水余聲

同都切

水出益州牧靡南山西北入澠者本書無澠字當為繩地理志益州郡牧靡縣南山臘谷涂水所出西北至越嶲入繩過郡二行千二十里李奇曰靡音麻即升麻殺毒藥所出也又越嶲郡遂久縣繩水出徼外東至焚道入江又蜀郡旄牛縣若水南至大禰入繩水經注若水云繩水出徼外山海經曰巴遂之山繩水出焉東南流分為二水其一水枝流東出逕廣柔縣東流注於江其一水南逕旄牛道至大禰與若水合自下亦通謂之為繩水矣又云繩水又東涂水注之水出建寧郡之牧靡南山竝即草以立名山在縣東北烏甸山南五十里山生牧靡可以解毒百

卉方盛鳥多誤會鳥喙口中毒必急飛往牧靡山啄牧靡以解毒也涂水導源臘谷西北流至越嶲入繩寰宇記嵩州臺登縣有繩水

# 沅

水出牂牁故且蘭東北入江從水元聲

愚袁切

水出牂牁故且蘭東北入江者本書無牁字當為柯地理志牂牁郡故且蘭沅水東南至益陽入江過郡二行二千五百三十里顏注牂牁係船棧也華陽國志云楚頃襄王時遣莊驕伐夜郎軍至且蘭桮船於岸而步戰既滅夜郎以且蘭有桮船牂牁處乃改其名為牂牁又武陵郡臨沅縣應劭曰沅水出牂牁入於江郡國志武陵郡臨沅注云荆州記曰縣南臨沅水水源出牂牁且蘭縣至郡界分為五谿故曰五谿蠻後漢書南蠻傳乘船沅水入武溪擊之注云沅水出牂牁故且蘭東北經辰州潭州嶽州經洞庭湖入江也海內東經沅水出象郡也鍾城縣今屬武陵水嵩西合洞庭中注去象郡今日南也鍾城縣今屬武陵水經沅水出牂牁且蘭縣為旁溝水又東至鍾城縣為沅水東逕無陽縣又東北過臨沅縣南又東至長沙下雋縣西北入於江寰宇記沅水出牂牁故且蘭東北經靈溪長沙

巴陵郡入洞 庭通江也

**弱**

水出越巂徼外東入若水從水奄磬

英廉切

水出越巂徼外東入若水者玉篇作東南入若水漢志蜀郡旄牛縣鮮水出徼外南入若水若水亦出徼外南至大柘入繩過郡二行千六百里水經淹水出越巂遂久縣徼外東南至青蛉縣又東過姑復縣南東入於若水酈注呂忱曰淹水一曰復水也馥疑復水當為姑復水又案酈注葉榆水逕姑復縣西與淹水合是淹先會葉榆而後入若也水經若水至會無縣淹水東南流注之酈注繩水又逕三絳縣西又逕姑復縣北對三絳縣淹水注之三絳一曰小會無故經曰淹至會無注若水

**弱**

水自張掖剛丹西至酒泉合黎餘波入于流沙從水

**弱磬桑欽所說** 而灼切

本書岷下云或曰弱水之所出 禹貢導弱水釋文弱本或作弱 廣雅崑崙虛弱水出其西南陬入南海 楚詞九懷

浮弱水兮舒光哀時命弱水汎其為難兮路中斷而不通水經注河水云漢書西域傳黎軒條支臨西海長老傳聞條支有弱水西王母亦未嘗見自條支乘水西行可百餘日近日所入也或河水所通西海矣 魏畧前世謬以為弱水在條支西今弱水在大秦西 新唐書高仙芝傳娑夷河弱水也

水自張掖剛丹者郡國志張掖郡剛丹弱水出括地志弱水在張掖縣南山下十道志今張掖有合黎水淮南地形訓弱水出自窮石至於合黎餘波入於流沙絕流沙南至南海注云窮石山名在張掖北元和志剛丹縣弱水在縣南山下胡渭曰案近志弱水出山丹衛西南窮石山離騷夕次於窮石即此淮南子云弱水出窮石山也北流逕其衛西又西北逕甘州衛北又西逕合黎山與張掖河合張掖河古羌谷水也一名合黎水出衛西吐谷渾界北流逕張掖縣北合弱水為張掖河自下通兼弱之目又曰漢志麟得縣下云驪特觀鮒駮掖羌谷水出羌中東北至居延入海過郡二行二千二百里案羌谷水出羌中東北至居源也其下流與弱水合則弱水入居延海可知矣過郡二者張掖酒泉也自合黎山至居延海行千五百里瀋其源而計之則有二千二百里矣就禹貢言出剛丹者為弱水

之正源出獮得者為弱水之別源正源主也別源客也志家徇今而忘古遑遑主客易位故云羌谷水人居延海而刪丹弱水之下則闕而不言讀者以意會可也西至酒泉合黎者禹貢弱水既西鄭注眾水皆東此獨西流故紀其西下也又導弱水至于合黎正義云顧氏云地說書合黎山名鄭元亦以為山名馥案禹貢山水澤地合離山在酒泉會水縣東北注云合黎山也元和志甘肅張掖縣合黎山俗名要塗山在縣西北二百里禹貢導弱水至于合黎鄭注禹貢云凡言導者發源於上未成流凡言自者亦發源於上未成流凡言至于者或山或澤皆非水名史記夏本紀弱水至於合黎餘波入於流沙正義括地志云合黎一名羌谷水一名鮮水一名覆表水今名副投河亦名張掖河南自吐谷渾界流入甘肅張掖縣今案合黎水出臨路松山東而北流歷張掖故城下又北流經流沙磧之西入居延海行千五百里集解云鄭元曰地理志流沙居延西北名居延澤地記曰弱水西流入合黎山腹餘波入於流沙通於南海馬融王肅皆言合黎流沙是地名索隱云廣志流沙在玉門關外有居延澤居延城又山海經云流沙出鍾山西南行昆侖墟入海案是地兼有水故一云地名一

云水名馬鄭不同亦有由也地理志張掖郡刪丹縣桑欽以為道弱水自此西至酒泉合黎馥案欽字君長見漢書儒林傳唐書以水經為欽作今水經無此文儒林傳孔安國數傳至桑欽蓋欽說尚書之文也漢書司馬相如傳經營炎火而浮弱水兮杭絕浮渚涉流沙應劭曰弱水出張掖刪丹西至酒泉合黎餘波入於流沙餘波入于流沙者禮記王制自西河至流沙千里而遙楚詞招魂西方之害流沙千里些注云流沙沙流而行也尚書曰餘波入於流沙地理志居延縣居延澤在東北古文以為流沙元流沙志居延海即居延澤古文以為流沙者風順流行故曰流沙禹貢山水澤地流沙地在張掖居延縣東北鄭注尚書所謂流沙者也形如月生五日也弱水入流沙流沙與水流行也廣志流沙在玉門關外南北二千里東西數百里有三斷石曰三隴晉書地理志西海郡居延澤尚書所謂流沙也周書鄯善西北有流沙數百里唐書西域傳吐谷渾西北有流沙數百里通典合黎水弱水竝在張掖縣界其北又有居延澤即古流沙地又云燉煌即古流沙地其沙風吹流行五代史晉天福三年高居誨使于闐還言自靈州過黃河三十里始涉沙入党項界曰細腰沙神樹沙至三公沙自此沙行四百餘里至黑堡沙沙尤廣

水出隴西臨洮東北入河從水北聲土刀切

水出隴西臨洮東北入河者地理志隴西郡臨洮縣洮水出西羌中北至枹罕東入河禹貢西傾山在縣西南馥案十三州志枹罕縣在郡西二百一十里水經河水云又東過隴西河關縣北洮水從東南來流注之酈注沙州記曰洮水與墊江水俱出嶺臺山山南即墊江源山東則洮水源山海經曰白水出蜀郭景純注云從臨洮之西傾山東南流入漢而至墊江故段國以為墊江水也洮水同出一山故知嶺臺西傾之異名也寰宇記洮州臨潭縣洮水源出西傾山亦曰嶺臺山在縣西南二百三十六里即吐谷渾界元和志洮州臨潭縣洮水出縣西南三百里

涇水出安定涇陽干頭山東南入渭雒州之川也從水

至聲古靈切

廣雅涇徑也 詩六月侵鎬及方至于涇陽 元和志雲陽縣本漢舊縣屬左馮翊涇水在縣西南二十五里 胡渭曰周禮雍州其川涇洎詩大雅曰溈彼涇舟烝徒楫之邝風曰涇以渭濁湜湜其汜皆禹貢之涇水也水經無涇水之目渭

水篇中於入渭處僅附見一語而寰宇記原州平高縣幹頭山一名崆峒山下引水經注云蓋大隴山之異名莊子謂黃

帝學道於廣成子蓋在此山百泉縣涇水下引水經涇水出安定涇陽縣高山注云山海經曰高山涇水出焉東流注於

渭入關謂之八水彈箏峽下引水經注云涇水徑都盧山山路之內常有如彈箏之聲行者聞之鼓舞而去又云弦歌之

山峽口水流風吹滴崖響如彈箏之韻因名涇州靈臺縣蒲川下引水經注云蒲川水出南山蒲谷東北合細川水又東

北合且氏川水邠州宜祿縣芮水下引水經注云洎水又東涇宜祿川俗謂之宜祿川水芹川下引水經注云出羅山縣

千子山山一名千子嶺東流逕宜祿縣北真寧縣大陵水下引水經注云大陵小陵水出巡和南殊川西南逕寧陽城故

幽詩云夾其皇澗陵水即皇澗也乾州永壽縣高泉下引水經注云甘泉即高泉山也耀州雲陽縣涇水下引水經注云

涇水東流歷峽謂之涇峽五龍谷泉下引水經注云五龍水出雲陽宮西南雍州醴泉縣谷口城下引水經注云九峻山

東仲山西謂之谷口即寒門也此皆言涇水而今本無之是水經元有涇水篇末初尚存後乃亡之耳

水出安定涇陽干頭山者地理志安定郡涇陽縣干頭山

在西禹貢涇水所出東南至陽陵入渭過郡三行千六十

里雍州川顏注开音苦見反又音牽此山在今靈州東南  
土俗語訛謂之汧屯山馥案六十里鄭注尚書引作六百  
里又案开括地志作筭輿地志作雞竝與顏讀異史記五  
帝本紀西至於空桐登雞頭索隱山名也後漢王孟塞雞  
頭道在隴西一日空桐山之別名正義括地志云筭頭山  
一名崆峒山在原州平高縣西百里禹貢涇水所出輿地  
志云或卽雞頭山也淮南地形訓涇出薄落之山高注薄  
落之山一名筭頭山在安定臨涇縣西廣雅薄落謂之开  
頭寔宇記雍州長安縣涇水出薄落山括地志涇水源出  
原州百泉縣西南筭頭山涇谷後漢書隗囂傳王孟塞雞  
頭道注云雞頭山道也雞或作筭圖經筭頭山在涇陽西  
禹貢涇水所出淮南子云薄落山一名筭頭山水經注云  
大隴之山異名耳莊子謂廣成子學道於崆峒山未詳孰  
是今此見有柏堂在山顶上不知何代所置也後漢書隗  
囂使王孟塞雞頭道謂此山也通典涇水出今平涼郡平  
高縣元和志筭頭山一名崆峒山在縣西一百里卽黃帝  
謁廣成子學道之處又平涼縣下云涇水源出縣西南涇  
谷南流經都盧山山路之中常如彈箏之聲故行旅因謂  
之彈箏峽九域志渭州平涼縣有筭頭山涇水寰宇記原  
州百泉縣漢朝那縣地涇水源出縣西南涇谷又渭州平

涼縣可藍山一名都盧山皆涇水源與开頭山相連亘又  
涇州保定縣彈箏峽在原州百泉縣界都盧山涇水所出  
南流山谷之間水聲清響有如彈箏東南入渭者水經  
注渭水云涇谷水東北流注於渭山海經曰涇谷之山涇  
水出焉東南流注於渭是也急就篇涇水注渭街術曲顏  
注涇水出安定汧頭山至陽陵而入渭禹貢涇屬渭汭鄭  
注涇水渭水發源皆幾二千里然而涇小渭大屬於渭而  
入於河地理志云涇水出今安定涇陽西开頭山東南至  
京兆陽陵行千六百里入渭詩谷風涇以渭濁傳云涇渭  
相入而清濁異箋云涇水出安定東南經扶風京兆高陵縣  
傳師還濟涇杜去涇水出安定東南經扶風京兆高陵縣  
入渭也襄十四年傳及涇不濟釋例涇水出安定朝那縣  
西東南經新平扶風至京兆高陵縣入渭漢書司馬相如  
傳出入涇渭顏注涇水出安定涇陽开頭山東至陽陵入  
渭西山經高山涇水出焉而東流注於渭海內東經涇水  
出長城北山北入渭郭注今涇水出安定朝那縣西筭頭  
山東南經新平扶風至京兆高陵縣入渭三輔黃圖涇水  
出安定涇陽开頭山東至陽陵入渭三秦記涇渭合流三  
百里清濁不雜 離州之川也者周禮職方氏正西曰雍  
州其川涇汭注云涇出涇陽馥案本書載職方之浸其書

川者益此一見  
疑後人加之



水出隴西首陽渭首亭南谷東入河從水胃馨杜林

說夏書以為出鳥鼠山雒州浸也  
云貴切

廣雅渭謂也  
春秋說題詞

渭之為言布也渭渭流行貌  
水出隴西首陽渭首亭南谷者廣韻秦始置隴郡後魏置  
渭州水經渭水出隴西首陽縣渭谷亭南鳥鼠山東入於  
河注云渭水出首陽縣首陽山渭首亭南谷山在鳥鼠山  
西北此縣有高城嶺嶺上有城號渭源城渭水出焉通典  
渭水出今隴西郡渭源縣渭源縣志鳥鼠山在縣西二十  
里又西五里為南谷山東入河者地理志渭水東至船  
司空入河高注淮南地形訓渭水東會於澧又入河春秋  
閔二年虢公敗犬戎於渭泃釋例曰渭水出隴西狄道縣  
鳥鼠同穴山東經南安天水洛陽扶風始平京兆至宏農  
華陰縣入河西山經鳥鼠同穴之山渭水出焉而東流注  
於河海內東經渭水出鳥鼠同穴山東注河郭云鳥鼠同  
穴山今在隴西首陽縣渭水出其東經南安天水畧陽扶

風始平京兆宏農華陰縣入河括地志渭有三源竝出鳥  
鼠山東流入河三輔黃圖渭水出隴西首陽縣鳥鼠同穴  
山東北至華陰入河顏注司馬相如傳渭水東北至華陰  
入河胃馨者徐鍇本作謂省馨杜林說夏書以為出  
鳥鼠山者禹貢導渭自鳥鼠同穴地理志隴西郡首陽縣  
禹貢鳥鼠同穴山在西南渭水所出史記夏本紀涇屬渭  
汭索隱云渭水出首陽縣鳥鼠同穴山郡國志隴西郡首  
陽有鳥鼠同穴山在隴西首陽縣渭水所出馥案此皆鳥  
注鳥鼠同穴山在隴西首陽縣渭水所出馥案此皆鳥  
鼠同穴竝稱括地志渭水出鳥鼠同穴山郡國志隴西郡  
山今名青雀山博物志渭水出鳥鼠同穴山郡國志隴西  
俗呼為高武隴其下渭水所出元和志鳥鼠山今名青雀  
山在渭源縣西七十六里渭水所出凡有三源竝下此皆  
單稱鳥鼠不連同穴鄭注禹貢鳥鼠之山有三源竝下此  
行而處之又有止而同穴之山焉此則以鳥鼠與同穴為  
二山也水經注渭水三源合注東北流逕首陽縣西與別  
源合水南出鳥鼠山渭水谷尚書禹貢所謂渭出鳥鼠者  
也地說曰鳥鼠山同穴之枝榦也渭水出其中東北流過  
同穴枝閒馥案此與鄭同雒州浸也者周禮職方氏正  
西曰雍州其浸渭洛地理志渭水雒州浸高誘注淮南以

兌文解字義登

卷三十三

渭為雍州  
川似誤

# 漾水出隴西柏道東至武都為漢從水漾聲余亮切

水出隴西柏道東至武都為漢者楊君峒曰灂道元所見  
本作灂道灂以聲誤為桓桓又以形誤為相宋本及小字  
國志屬漢陽亦非隴西不知何由誤也地理志隴西郡氏  
道禹貢養水所出至武都為漢郡國志隴西郡氏道養水  
出此鄭注禹貢瀆水出隴西氏道縣嶓冢山東至武都沮縣  
為漢水又東南至廣魏白水縣西又東南至葭萌縣東北  
與羌水合又東南過巴郡閬中縣又東南過江州縣東東  
都氏道縣灂山為灂水禹貢導灂東流為漢是也西源出  
隴西縣嶓冢山會白水逕葭萌入漢始源曰沔案沔水  
出東狼谷逕沮縣入漢漢中記曰嶓冢以東水皆東流嶓  
冢以西水皆西流即其地勢源流所歸故俗以嶓冢為分  
水嶺即此推沔水無西入之理劉澄之云有水從阿陽縣  
南至梓潼漢壽人大穴暗通岡山郭景純亦言是矣岡山

穴小本不容水水成大澤而流與漢合庾仲雍又言漢水  
自武遂川南入蔓葛谷越野牛逕至關城合西漢水故諸  
言漢者多言西漢水至葭萌入漢又曰始源曰沔是以經  
云灂水出氏道縣東至沮縣為漢水東南至廣魏白水診  
其沿注似與三說相符而未極西漢之源矣然東西兩川  
俱受沔漢之名者義或在茲矣班固地理志司馬彪袁山  
松郡國志並言漢有二源東出氏道西出西縣之嶓冢山  
關駟云漢或為灂灂水出崑崙西北隅至氏道重源顯發  
而為灂水又言隴西縣嶓冢山在西漢水所出南入  
廣魏白水又云灂水出嶓道東至武都入漢許慎呂忱並  
言灂水出隴西縣道東至武都為漢水不言氏道然嶓道  
在冀之西北又隔諸川無水南人疑出嶓道之為謬矣又  
曰漢灂也東為滄浪水山海經曰嶓冢之山漢水出焉而  
東南流注於江然東西兩川俱出嶓冢而同為漢水者也  
孔安國曰泉始出為灂其猶濛耳而常璩專為灂山灂水  
當是作者附而為山水之殊目矣川流隱伏卒難詳照地  
理潛閼變通無方復不可全言闕氏之非也雖津流派別  
枝渠勢懸原始要終潛流或一故俱受漢灂之名納方土  
之稱是其有漢川漢陽廣漢漢壽之號或因其始或據其  
終雖異名互見猶為漢灂矣川共目殊或亦在斯魏地形

志華陽郡嶓冢縣有嶓冢山漢水出焉庾仲雍漢水記漢水出廣漢漾水出嶓冢東流至武都而與漢水合巴漢志漢水二源東源出縣之養山名養西漢出隴西之嶓冢山會白水經葭萌入漢始源曰沔故曰漢沔梁州記漢水發源隴西之氏道嶓冢山南都賦注漢水源出隴西嶓冢山經武都至武關山歷南陽界出河口入江元和志嶓冢山狂興元府金牛縣東二十八里漢水出焉經南鄭縣南去縣一百步禹貢嶓冢導漾東流為漢是也寰宇記三泉縣本漢葭萌縣地漾水一名漢水一名沔水出縣東二十里嶓冢山今縣南有故漾水關即漢李固解印綬處通鑑劉璋將扶禁帥萬餘人出閬水上注云閬水即西漢水禹貢所謂嶓冢導漾東流為漢者也黃度曰漢有沔漾之名皆東漢水也地理志西漢水出西縣嶓冢山南入廣漢白水蓋潛漢也經不著其所出自古皆以為東西兩漢俱出嶓冢則或然矣而西漢固無沔漾之名地理志漾水出隴西氏道至武都為漢武都東漢水受氏道水名沔則是沔漾俱為東漢矣獨氏道武都脈絡不通川渠阻隔武都受漾為不可據而桑欽遂徙氏道漾水為西漢之源由是愈紛錯酈道元委曲遷就通之以潛伏之流證之以難驗之論更覺齟齬故當廢諸說而一之以經文杜佑通典秦

州上邽縣嶓冢山西漢水所出經嘉陵曰嘉陵江經閬中曰閬江漢中金牛縣嶓冢山禹導漾水東流為漢水亦曰沔水其說為可據新城王尚書蜀道驛程記出沔縣西門曲折行亂山中沔水流經其中至金牛驛北望見嶓冢山一小水自西東流即所謂嶓冢導漾者也合五丁峽東流為沔自寧羌州行十里渡水過百牢關關下有分水嶺嶺東水皆北流至五丁峽北合漾水入沔嶺西水皆南流逕七盤關龍洞合嘉陵水為川江常璩言沔出嶓冢合白水為西漢明與導漾之文相悖閻若璩曰氏道無考參以元和志鳳州兩當河池二縣並云永嘉之後地沒氏羌縣名絕矣晉永嘉末氏人楊茂搜自號氏王據武都自後郡縣荒廢則氏道縣之不知所在豈得已哉然郭璞注山海經嶓冢今在武都氏道縣南常璩撰漢中志東漢水源出武都氏道又並隸氏道於武都郡與漢制不同閻氏又曰班志最亂道者武都縣下注東漢水受氏道水七字試問漢武都縣為郡治傷仇池山遠在東漢發源處三四百里之上豈有反下受漾水之理胡渭曰漢志隴西西縣下云禹貢嶓冢山西漢水所出南入廣漢白水東南至江州入江過郡四行二千七百六十里此與氏道養水全無交涉水經非一時一手作漾水篇首云漾水出隴西氏道縣嶓冢

山東至武都沮縣爲漢水此不過依漢志氏道一條以立  
文惟加嶓冢沮縣爲不同耳其所謂漢水卽東漢也亦與  
西縣之西漢全無交涉及觀下文東南逕白水葭萌閬中  
至江州入江則又確是西漢水與武都一條全無交涉矣  
首尾橫決必魏晉間人所續也胡氏又曰嶓冢山孔傳不  
言所在之郡縣而正義引地理志以實之曰隴西郡西縣  
嶓冢山西漢水所出夫此水卽嘉陵水之上源非禹貢之  
所謂嶓冢導漾東流爲漢者也而班固以西縣之嶓冢爲  
禹貢之嶓冢謬矣自是以後言嶓冢者率依班氏如張衡  
西京賦云終南太一連岡乎嶓冢潘岳西征賦云面終南  
而背雲陽跨平原而連嶓冢玩其辭意皆主隴西而言司  
馬彪郡國志亦云漢陽郡西縣有嶓冢山無異議也自後  
魏正始中析沔陽地置嶓冢縣以表其山而名始著酈道  
元卒於孝昌二年上距正始置縣之時凡二十餘歲本朝  
典故生所親見而注水經不言豈事在成書之後不及追  
改抑亦因其晚出而疑之乎然漾水注引漢中記曰嶓冢  
以東水皆東流嶓冢以西水皆西流故俗以嶓冢爲分水  
嶺作者亦似知班氏之謬而以禹貢嶓冢爲當在漢中也  
者不然於漢中記奚爲詳及隴西之山邪由此觀之則魏  
收以前已有知嶓冢在漢中者不待地形志出而後知也

穎達豈未之考乎然班志雖以西縣嶓冢爲禹貢之山而  
養水則自繫氏道之下不言出某山自水經云漾水出氏  
道縣嶓冢山而氏道亦有嶓冢矣常璩華陽國志云東源  
出武都氏道縣漾山爲漾水而氏道之嶓冢且有漾山之  
曰矣郭璞注山海經云嶓冢今在武都氏道縣南酈注水  
經云東西兩源俱出嶓冢而同爲漢水則似一山跨二縣  
之境而在西縣者爲西源在氏道者爲東源矣輾轉迷惑  
愈久愈訛說經者不能出其窠臼而禹貢之嶓冢幾不可  
問矣西縣故城在秦州西南常璩郭璞皆云氏道屬武都  
而晉志武都郡無之則此縣之不可考久矣要之二縣在  
隴西皆古雍州域也而禹貢嶓冢乃梁州之山不應闕入  
雍域故惟魏收所言爲得其實又曰禹貢以嶓冢繫梁州  
而漢志嶓冢在雍域之隴西一誤也禹貢云嶓冢導漾而  
漢志以嶓冢所出爲西漢水其漾水則出氏道二誤也禹  
貢之潛乃漾水枝津西出爲西漢水而漢志西漢水出西  
縣之嶓冢三誤也漢志不言漾水出何山而水經云出氏  
道縣嶓冢山是氏道亦有嶓冢四誤也漾者東漢之源而  
續水經者以西漢接漾水爲一川五誤也漾河枝津皆自  
東入西酈注從舊說云西漢水至葭萌入漢六誤也川流  
離合地上灼然可見而酈注惑闕駟之說以爲原始要終

潛流或一故東西俱受漢澆之名七誤也羣言淆亂學者靡所折衷今說漢水當排棄諸家專主禹貢以沮沔為漢之別流以西漢為澆之枝津而氏道水則存而不論是亦理亂絲解連環之術也又曰氏道澆水至武都為東漢水卒莫有能言其所經者今案酈注濁水出濁城北東流與丁令溪水會又東逕武街城南又東宏休水注之又東逕白石縣南又東南渥陽水注之又東南與仇鳩水合又東與河池水合又東南兩當水注之水出陳倉縣之大散嶺西南流入故道川謂之故道水西南逕故道城東又西南入廣業郡界與沮水枝津合謂之兩當溪水又西南注於濁水濁水南逕槃頭郡東而南合鳳溪水又東注於漢水觀此文則漢志以沮水枝津上承氏道水下為東漢水可知也氏道雖未詳其處所以地望度之當在西縣之東河池之西上邽之南下辨之北濁水所受有丁令溪水宏休水渥陽水皆出其北蓋自氏道來也其中或有漢志所謂養水者但今無可攷耳然沮水枝津上承沮瀆自東入西非自西入東也昔之觀水作記者不察地勢之高下不辨川流之去來遂以為氏道養水合濁水兩當溪由枝津以達沮沔是為東漢之源而不知其非也班固因之故有此誤水經於

武都下加沮縣二字蓋亦以氏道水下通沮水為東漢之源也然漢志不言養水出何山而水經復附會之曰嶓冢則氏道亦有嶓冢山矣常璩知其非是故又因水以名其山曰嶓山而為之殊目要之氏道水所出別是一山非嶓冢也近世言漢水者皆知班固之誤而不知其誤所由來故詳著其原委如此又曰案通典嶓冢山有二一在天水上邽一在漢中金牛雍大記云西漢水在西和縣源出嶓冢山西流與馬池水合此乃上邽之嶓冢在今秦州又云漢江源出沔縣嶓冢山東流入金州此乃金牛之嶓冢禹貢嶓冢導澆乃沔縣之嶓冢非秦州之嶓冢知嶓冢有二則東西二漢源流各自了然澆之與沔本為一流與隴西之嶓冢都無交涉

古文從養

禹貢鄭本史記夏本紀竝作澆 地理志作養顏注養音弋向反字本作澆或作灌

澆也東為滄浪水從水難省聲 呼盱切

廣雅漢達也 十道志江漢二水會於鄂州之西界 元和志裴秀云漢氏釋淮水改秩漢水為四瀆以其國所氏

流也者禹貢嶓冢導漾東流為漢傳云泉始出山為漾水  
 東南流為沔水至漢中東流為漢水地理志隴西郡西縣  
 禹貢嶓冢山西漢所出南入廣漢白水東南至江州入江  
 過郡四行二千七百六十里馥案過郡四者隴西武都廣  
 漢巴郡也郡國志漢陽郡西縣故屬隴西有嶓冢山西漢  
 水莊四年左傳漢納釋例云漢出武都沮縣經襄陽至江  
 夏安陽縣入江儋四年傳漢水以為池杜注漢水出武都  
 至江夏南入江西山經嶓冢之山漢水出焉而東南流注  
 於沔郭注嶓冢今在武都氏道縣南至江夏安陸縣入江  
 即沔水海內東經漢水出鮒魚之山郭注書曰嶓冢導漾  
 東流為漢案水經漢水出武都沮縣東狼谷經漢中魏興  
 至南鄉東經襄陽至江夏安陸縣入江別為沔水又為滄  
 浪之水淮南地形訓漢出嶓冢高注嶓冢漢陽縣西界漢  
 水所出南入廣漢東南至雒州入江博物志漢出嶓冢括  
 地志漢水源出梁州金牛縣東二十八里嶓冢山華陽國  
 志漢中志漢有二源東源出武都氏道漾山因名漾禹貢  
 流漾為漢是也西源出隴西嶓冢山會白水經葭萌入漢  
 始源曰沔故曰漢沔地形志華陽郡嶓冢縣有嶓冢山漢  
 水出焉元和志秦州上邦縣嶓冢山在縣西南五十八里  
 漾水之所出也東流為漢水又金牛縣本漢葭萌縣地嶓

冢山在縣口二十八里漢水所出黃度曰漢有沔流之名  
 皆東漢水也陸游曰嘗登嶓冢山有泉涓涓出山閒是為  
 漢水之源通典天水郡上邦縣嶓冢山西漢水所出今經  
 嘉陵曰嘉陵江經閬中曰閬中江漢中郡金牛縣地有嶓  
 冢山禹導漾水至此為漢水亦曰沔水顏師古云漢上曰  
 沔馥案西漢出上邦之嶓冢東漢出金牛之嶓冢分屬二  
 郡遠不相涉蓋因東漢出於嶓冢俗以西漢所出之山亦  
 名嶓冢後人不知有兩嶓冢故諸說多誤惟通典可據周  
 禮職方氏荊州其川江漢林之奇曰江漢發源梁州而職  
 方為荊州川則荊亦兼梁地東為滄浪水者顏注地理  
 志云漾出隴西氏道東流過武關山南為漢出荆山東南  
 為滄浪之水即漁父所歌者也水經注沔水云漢水中有  
 洲名滄浪洲庾仲雍漢水記謂之千齡洲非也是世俗語  
 譌音與字變矣地說曰水出荆山東南流為滄浪之水是  
 近楚都故漁父歌曰滄浪之水清兮可以濯我纓滄浪之  
 水濁兮可以濯我足余按尚書禹貢言導漾水東流為漢  
 又東為滄浪之水不言過而言為者明非他水使入也蓋  
 漢沔自下有滄浪通稱爾纏絡鄂郢地連紀郢咸楚都矣  
 漁父歌之不違水地考按經傳宜以尚書為正爾古文苑  
 漢津賦發源自乎嶓冢引漾澧而東征又云願乘流以上

下窮滄浪乎三澨元初山川記夏水古文以為滄浪即漁父所云滄浪之水清今滄浪水合流出罈城北界山此蓋後人名之非古滄浪也禹貢鄭注滄浪之水今謂之夏水來同故世變名焉庚仲雍漢水記云武當縣西四十里漢水中有洲名滄浪洲也史記索隱馬融鄭元皆以滄浪為夏水即漢河之別流也漁父歌曰滄浪之水清兮可以濯我纓是此水也荆州圖經武當縣西北四十里有滄浪洲長四里廣十三里禹貢稱漢水東流為滄浪水疑此洲是也元和志均州武當縣漢水去縣西北四十里水中有洲名滄浪洲則禹貢云又東為滄浪之水寰宇記漢陽縣漢水一名沔水西自汭川縣界流入劉澄之元初山川記云沔口古文以為滄浪水即屈原遇漁父所云滄浪之水是也林之奇曰張平子南都賦流滄浪而為隍廓方城而為壩李善注引左氏傳屈完所謂楚國方城以為城漢水以為池則是滄浪即漢水也蓋漢水至於楚地則其名為滄浪之水也

古文



滄浪水也南入江從水良聲

來宕切

滄浪水也者括地志均州武當縣有滄浪水隋圖經漢水經琵琶谷至滄浪洲即漁父棹歌處九域志鼎州龍陽縣有滄浪水寰宇記均州鄖鄉縣有滄浪洲南入江者元初山川記沔口古以為滄浪水屈原遇漁父處括地志蟠豕山水始出山沮洳故曰沮水東南為澆水又為沔水至漢中為漢水至均州為滄浪水始欲出大江為夏口又為沔口漢江一名沔江也通鑑地理通釋漢入江處謂之沔口廣輿記沔口在漢陽府城西



水出武都沮縣東狼谷東南入江或曰入夏水從水

沔

彌克切

水出武都沮縣東狼谷者郡國志武都郡沮縣沔水出東狼谷地理志武都郡沮縣沮水出東狼谷南至沙羨南入江過郡五行四千里荆州川元和志興州順政縣本漢沮縣地沮水出縣東北八十二里以其初出沮洳然故名沮水寰宇記興州順政縣本漢沮縣地沔水一名沮水源出縣東北八十二里山谷下通典興州順政縣地沔水發源於此一名沮水胡渭曰漢郊祀志秦祠沔於漢中地理志漢中有沔陽縣武都下云東漢水一名沔則沔漢互稱其

來已久而沮縣下又云沮水出東狼谷南至沙羨南入江  
荆州川按周禮荆州川曰江漢而無沮是沮即河也胡氏  
又曰沔水一名沮水出武都沮縣東狼谷東南流至沮口  
與漾水合漾於是兼有沔稱故傳云漢上曰沔凡水有隨  
地異名者漾東流為漢又東為滄浪之水是也廣韻沔漢水別名博  
泲入而互受通稱者漢上曰沔是也襄陽禹貢逾于沔  
物志沔出月台郭注方言云沔水今在襄陽禹貢逾于沔  
鄭注或謂漢為沔漢書郊祀志沔祠漢中顏注沔漢水之  
上名也後漢書岑彭傳彭乃潛兵度沔水注云沔水源出  
武都東狼谷中即漢水之上源也梁州記漢發源隴西氏  
道縣之嶠冢山東至於夏口合江縣帶四州之域經途五  
千餘里謂之沔水水經沔水出武都沮縣東狼谷中東南  
逕江夏雲杜縣東夏水從西來注之又南至江夏沙羨縣  
北南入於江酈注沔水一名沮水關駟曰以其初出沮如  
然故曰沮水也縣亦受名焉又東南逕沮水成而東南流  
注漢曰沮口所謂沔漢者也尚書曰嶠冢導漾東流為漢  
山海經所謂漢出鮒嶠山也東北流得獻水口庾仲雍云  
是海南至關城合西漢水漢水又東北合沮口同為漢水  
之源也故如淳曰此方人謂漢水為沔水孔安國曰漾水  
東流為沔蓋與沔合也至漢中為漢水是互相通稱矣

東南入江者地理志武都郡武都縣東漢水受氏道水  
名沔過江夏謂之夏水入江應劭曰沔水出武都東南入  
江又曰沔水自江別至南郡華容為夏水過郡人江故曰  
江夏禹貢傳云漾東南流為沔水至漢中東流為漢水正  
義應劭云沔水自江別至南郡華容縣為夏水過江夏郡  
入江既云江別月與此沔別也依地理志漢水之尾變為  
夏水是應劭所云沔水下尾亦與漢合乃入於江也或  
曰入夏水者鄭注尚書引地理志灌入沔非沔入夏漢志南  
夏謂之夏水馥案即此沔水然夏入沔非沔入夏漢志南  
郡華容夏水首受江東入沔水經沔水過江夏雲杜縣東  
夏水從西來注之又夏水云夏水東至江夏雲杜縣入於  
沔酈注鄭元注尚書滄浪之水言今謂之夏水永初山川  
記夏水古文以為滄浪因此言之水應由沔今按夏水是  
江流沔非沔入夏假使沔注夏其勢西南非尚書又東之  
文余亦以為非也

皇水出金城臨羌塞外東入河從水皇聲

平光切

水出金城臨羌塞外者地理志金城郡臨羌縣西北至塞  
外有西王母石室僊海鹽池北則湟水所出趙充國傳先

零豪言願時渡湟水北顏注湟水出金城臨羌塞外東入河後漢桓帝紀段熲擊當煎羌於湟中注云湟水名在今鄯州湟水縣寰宇記鄯州湟水縣四望山有水出其陽一名湟河亦謂樂都水西自吐谷渾界入漢破匈奴取西河地開湟中處月氏即此湟水東入河者地理志湟水東至允吾入河元和志湟水出青海東北亂山中東南流至蘭州西南入黃河

**汧** 水出扶風汧縣西北入渭從水 𠂔聲 苦堅切

水出扶風汧縣者當如漆下稱右扶風地理志右扶風汧縣吳山在西古文以為汧山雍州山北有蒲谷鄉弦中谷雍州弦蒲藪汧水出西北入渭渭水出西北東入涇詩蒹隄雍州川也郊祀志汧洛二淵為小山川後漢書隗囂傳復使來款至汧注云汧水名因以為縣屬右扶風釋水汧出不流郭云水泉潛出便自停成汚池邢疏云以其初出不流停成荜蒲澤藪故曰汧出不流也水經注汧水出汧縣之蒲谷鄉弦中谷決為荜蒲藪爾雅曰水決之澤為汧三輔舊事初秦都渭北渭南作長樂宮橋通二宮間表河以為秦東門表汧以為秦西門二門相去八百里闕駟十

三州志汧水出汧縣西北九域志隴州汧源縣有汧水鵠案即今之汧陽河也字或作岍禹貢導岍及岐釋文岍字又作汧史記夏本紀道九山汧及岐索隱汧一作岍按有汧水故其字或從山或從水猶岐山然也馥案山因水得名當作水旁括地志汧山在隴州汧源縣西六十里其山東鄰汶岫西接隴岡汧水出焉西北入渭者水經注汧水又東南逕隴糜縣故城南歷慈山逕都夷縣平陽故城南又東流注於渭

**勞** 水出扶風鄠北入渭從水 勞聲 魯刀切

水出扶風鄠者當稱右扶風郊祀志霸產豐勞涇渭長水皆不在大山川數顏注豐勞出鄠元和志鄠縣牛頭山在縣西南二十三里南接終南在上林苑中西京賦云統黃山而款牛首是也勞所自出潘岳關中記涇渭霸產豐鎬勞澇上林賦所謂八川分流也史記司馬相如傳作潦字索隱姚氏云潦或作勞北入渭者水經渭水又東過槐里縣南又東勞水從南來注之酈注勞水出南山勞谷北逕漢宜春觀東又北逕鄠縣故城西北注甘水而亂流入於渭顏注漢書司馬相如傳潦音牢水名也出鄠縣西南山潦谷而北流入於渭史記索隱引姚氏曰勞水出鄠縣

北注

渭

水出右扶風杜陵岐山東入渭一曰入洛從水棗聲

親吉切

玉篇有古文作淫穆天子傳天子舍于漆澤

水出右扶風杜陵岐山者杜陵當為杜陽水經漆水出扶風杜陽縣俞山東北入於渭酈云山海經曰翰次之山漆水出焉北流注於渭蓋自北而南矣尙書禹貢太史公禹本紀云導渭水東北至涇又東過漆沮入於河孔安國曰漆沮一水名矣亦曰洛水也出馮翊北周太王去邠度漆踰梁山止岐下故詩云民之初生自土沮漆又曰率西水許至于岐下是符禹貢本紀之說許慎說文稱漆水出右扶風杜陽縣岐山東入渭從水棗聲又云一曰漆城池也潘岳關中記曰關中有涇渭灃澹鄠漆沮之水鄠鄠漆沮四水在長安西南鄠縣漆沮皆南注鄠鄠水北注開山圖曰麗山西北有溫池溫池西南八十里岐山在杜陽北長安西有渠謂之漆渠班固地理志云漆水在漆縣西關

駟十三州志又云漆水出漆縣西北至岐山東入渭今有水出杜陽縣岐山北漆溪謂之漆渠西南流注岐水但川土音異今說互出考之經史各有所據識淺見浮無以辨之矣又云十三州志曰馮翊萬年縣西有涇渭北有小河謂漆水也又注渭水云雍水又東南流與橫水合水出杜陽山其水南流謂之杜陽川東南流左會漆水水出杜陽縣之漆溪謂之漆渠故徐廣曰漆水出杜陽之岐山者是也書禹貢漆沮既從灃水攸同傳云漆沮之水已從入渭灃水所同同之於渭又東過漆沮入于河傳云漆沮二水名亦曰洛水出馮翊北正義地理志云漆水出扶風漆縣依十三州記漆水在岐山東入渭則與漆沮不同矣此云會於涇又東過漆沮是漆沮在涇水之東故孔以爲洛水一名漆沮水經云鄭渠在太上皇陵東南濁水入焉俗謂之漆水又謂之漆沮其水東流注於洛水志云出馮翊懷德縣東南入渭以水土驗之與毛詩古自土沮漆者別也彼漆即扶風漆水也詩縣自土沮漆傳云沮水漆水也又潛猗與漆沮傳云漆沮岐周二水也史記夏本紀漆沮既從索隱漆水出右扶風漆縣西地理志扶風郡漆縣下云水在縣西不言所出蓋謂縣以水得名非謂水出於此縣也杜陽下云杜水南入渭顏注大雅縣之詩曰人之

初生自土沮漆齊詩作自杜言公劉避狄而來居杜與漆沮之地郡國志右扶風漆縣有漆水注云地道記曰水在縣西耿弇傳屯兵於漆注云漆縣名屬右扶風故城在今幽州新平縣也漆水在西晉書地理志新平郡漆縣漆水在西晉書地道記漆水在漆縣西寰宇記鳳翔府普潤縣漆水源出縣東南漆溪馮氏名物疏漆水出自鳳翔府麟游縣西普潤廢縣故漢漆縣也流經岐山北大轅水自西北注之與杜水合齊詩所謂自杜沮漆是也胡渭曰扶風有二漆水漢志漆縣下云水在縣西不言其所出入水經云出杜陽縣俞山東北入於渭說文云出杜陽岐山東入渭闕駟云出漆縣西北岐山東入渭鄜道元云周太王去邠度漆踰梁山止岐下故詩曰民之初生自土沮漆又曰率西水澌至于岐下此一漆也闕駟云有水出杜陽縣岐山北漆溪謂之漆渠西南流注岐水鄜道元云杜水出杜陽山東南流合漆水水出杜陽之漆谿謂之漆渠南流合岐水至美陽縣注於雍水隋志扶風普潤縣有漆水此一漆也元和志云漆水在新平縣西九里北流注於涇今麟游縣東南亦有漆水與此異寰宇記云按注水經曰漆水自宜祿界來又東過漆縣北即今邠州所治也今縣西九里有白土川東北流經白土原東陳陽原西又東北注

涇水恐是漢之漆水但古今異名耳麟游之漆水南流與杜陽水合非漢之漆水也胡氏又曰詩大雅自土沮漆傳云沮水漆水也周頌猗與漆沮傳云漆沮岐周二水也此皆謂扶風之漆沮程大昌雍錄謂禹貢漆沮惟富平石川河正當其地確不可易東入渭者水經漆水出杜陽縣俞山東北入於渭十三州志漆水出漆縣西北岐山東入渭括地志漆水源出岐州普潤縣東南岐山漆溪東入渭西山經榆次之山漆水出焉北流注於渭詩地理考引段氏曰漆沮有二皆出雍州東入於渭特於渭之下流一曰入詩漆沮入於渭之上流書漆沮入於渭之下流一曰入洛者會洛入渭也十三州志漆沮即洛水水經渭水又東過華陰縣北酈注洛水入焉酈駟以為漆沮之水也地理志漆沮既從顏注漆沮即馮翊之洛水也又五行志引史記周幽王二年三川皆震顏注涇渭洛也洛即漆沮也雍錄漆在沮東洛在漆沮東漆至華原而西合沮漆沮又東南至同州白水縣乃合乎洛而南流合渭三水雖分而白水縣涇為一流故孔安國班固皆指懷德入渭之水為洛水而曰洛即漆沮也通典漆沮之水今京兆府華原富平界亦曰洛水馥案徐鍇本下有

洛水出京兆藍田谷入灞從水產聲

所簡

水出京兆藍田谷者當云京兆尹南陵本書以水所出之縣屬於郡下此獨無縣非例也地理志京兆尹南陵沂水出藍田谷北至霸陵入霸水霸水亦出藍田谷北入渭師古曰茲水秦穆公更名以章霸功視子孫沂音先歷反馥按沂當為沂正作瀋玉篇席大也充滿也秦穆公欲以章霸功之開拓充盛故名瀋水後世讀瀋為桑故切但主瀋洞一義遂不解先歷反為何字矣師古曰茲水者師字衍文寰宇記云古謂之茲水即本漢志馥謂志當云古曰產水瀆作產猶瀆作養產茲形近致誤視子孫下當有師古曰三字蓋先歷反乃顏所釋字音也司馬相如傳終始霸產顏注霸水出藍田馥案當云藍田谷入灞者小字本作顏注霸產出藍田馥案當云藍田谷入灞者小字本作霸水經瀆水出京兆藍田谷北入於灞三輔黃圖產水出藍田谷北至霸陵入霸水經渭水又東過霸陵縣北霸水從西北流注之寰宇記藍田縣灞水源出藍田谷即秦嶺水之下流東南自商州上洛縣界流入又西北流合瀆水入渭

渭

水出左馮翊歸德北夷界中東南入渭從水各聲

切

水出左馮翊歸德北夷界中東南入渭者地理志左馮翊襄德縣洛水東南入渭雍州浸又北地郡歸德縣洛水出北蠻夷中入河馥案本書兼兩說後人亂之也周禮職方氏雍州其浸渭洛鄭注洛出懷德冀州其浸汾潞鄭注潞出歸德是歸德所出乃潞水非洛水漢志歸德之洛潞之譌也本書當云水出左馮翊襄德東南入渭離州浸徐錯本有離州浸三字其歸德北夷界中六字本潞下訓潞入於此漢書音義晉灼曰洛水在馮翊懷德縣東南入渭詩瞻彼洛矣傳云洛宗周漑浸水也周語幽王三年西周三川皆震韋注三川涇渭洛關中記渭與涇洛一名漆沮水一名洛水出馮翊為關中三川周幽王時三川震是也與涇灞瀆潒瀆澆為八水通鑑陽休之對高歡曰河洛伊為三川涇渭洛亦為三川注去涇渭洛之洛指關中洛水史記河渠書臨晉民願穿洛以溉重泉正義洛漆沮水也初學記周禮雍州其川洛汭此洛一名漆沮出馮翊此關輔之水非河南洛水寰宇記馮翊縣洛水自西北澄城縣

界流入亦曰沮水王應麟詩地理考易氏曰按漢志左馮翊懷德縣即疆梁原之洛水北條荆山在縣西正洛水之源也應麟按懷德即京兆之富平縣今屬耀州即馮翊之地



水出宏農盧氏山東南入河從水育聲或曰出酈山

西余六切

本書鄂南陽清陽鄉緒育陽染也

水出宏農盧氏山者當云盧氏熊耳山地理志宏農郡盧氏熊耳山在東伊水出東北又有育水南至順陽入河過郡二行六百里又南陽郡育陽縣應劭曰育水出宏農盧氏南入於河元和志宏農縣熊耳山在縣南五十里南都賦清水盪其胷李善引山海經攷維之山清水流焉南流注於漢郭璞曰今清水流在清陽縣南馥案注漢者所謂河漢也東南入河者水經河水東過襄陽縣北又從縣東屈西南清水流從北來注之酈注襄陽城東有東白沙白沙北有三洲東北有宛口即清水流所入也或云出酈山西北者文有脫謬晉書音義引字林清水流所入也酈縣西北山中

入漢地理志南陽郡酈縣育水出西北南入漢中山經支離之山清水流焉南流注於漢注云今清水流所入也酈縣西北

山中南入漢



水出宏農盧氏還歸山東入淮從水女聲

人渚切

釋名汝南在汝水南也汝陰在汝水陰也閻若璩四書釋地或謂汝水絕迹於禹貢而孟子言汝得毋近鑿空余曰觀爾雅從釋地已下至九河皆禹所制名中有曰水自汝出為濱又曰汝有濱此豈禹一無所事於汝而被以是名與又豈汝自天然入於淮而無須禹力與故汝汝二字正可補經文之不備善平太史公言書缺有閒矣其軼乃時時見於他說洵有味哉但難得會心人於千載之下耳胡渭曰孟子言汝汝而經絕無其事不知孟子於此何以獨多誤竊謂此文當云禹疏九河濬濟潔決江漢排淮泗而注之海則字字與禹貢相符矣

水出宏農盧氏還歸山者地理志汝南郡女陽縣應劭曰汝水出宏農入淮又定陵縣高陵山汝水出東南至新蔡入淮過郡四行千三百四十里成十七年左傳楚公子申救鄭師於汝上釋例汝水出南陽魯縣大孟山東北至河

南梁縣東南經襄城潁川汝南至汝陰褒信縣入淮海內  
 東經汝水出天息山南入淮極西北注云今汝水出南陽  
 魯陽縣大孟山東北至河南梁縣東南經襄城潁川汝南  
 至汝陰褒信縣入淮淮極地名春秋說題辭汝出猛山汝  
 之為言女也宋均注云女取其生孕也淮南地形訓汝出  
 猛山高注猛山一名高陵山在汝南定陵縣汝水所出東  
 南至新蔡入淮括地志汝水源自汝州魯山縣西伏牛山  
 亦名猛山至豫州鄆城縣名濱博物志汝出燕泉晉書地  
 道記高陵山汝水所出元和志汝州魯山縣汝水出縣西  
 一百五十里天息山一名伏牛山水經汝水出河南梁縣  
 勉鄉西天息山酈云地理志日出高陵山即猛山也亦言  
 出南陽魯陽縣之大孟山又言出宏農盧氏縣還歸山博  
 物志汝出燕泉山並異名也今汝水西出魯陽縣之大孟  
 山蒙柏谷西即盧氏界也東入淮者水經汝水東至原  
 鹿縣南入於淮酈注所謂汝口  
 水側有汝口戍淮汝之交會也



水出河南密縣大隗山南入潁從水異聲與職切

蓋一字也徐鍇韻譜澗水名澗同六書故云澗說文作澗

晏氏類要澗水音翼廣韻澗水名在河南密縣出文字音  
 義地理志河南郡密縣大隗山澗水所出南至臨潁入潁  
 元和志河南府密縣下云大隗山在縣東南五十里本具  
 茨山黃帝見大隗於具茨之山故亦謂之大隗山澗水源  
 出於此寰宇記文同字作澗九域志東京開封府陽陵縣  
 有澗水水經澗水出河南密縣大隗山酈注大隗即具茨  
 山也澗水出其阿流而為陂俗謂之王女池又云時人謂  
 之救水非也救澗音相類故字從聲變耳淮南本經訓澗  
 游澗減高注澗讀燕人強春言救之救覽冥訓潦水旬月  
 不雨則涸而枯澤受澗而無源者高注澗讀燕人強春言  
 救同也元和志許州長社縣澗水俗名勅水經縣西其源  
 出密縣大隗山南入潁者水經澗水東南入於潁又潁  
 水云潁水過汝南潁強縣北洧水從河南密縣東流注之  
 酈注澗水入焉非洧水也元和志馬嶺山在密縣南十五  
 里洧水所出馥  
 謂此亦澗水也



水出太原晉陽山西南入河從水分聲或曰出汾陽

北山冀州浸符分切

昭元年左傳昔金天氏有裔子曰昧為玄冥師生允格臺駘  
臺駘能業其官宣汾洮障大澤以處太原帝用嘉之封諸汾  
川沈妣蓐黃實守其祀今晉主汾而滅之矣由是觀之則臺駘汾神也

水出太原晉陽山者詩彼汾沮洳傳云汾水也晉語景霍

以為城而汾河涑澮以為淵西南入河者郭注方言云

汾水出太原經絳北西南入河傳有汾澮以流其惡注云汾

水出太原經絳北西南入河水經汾水又西至汾陰縣北

西注於河括地志汾水西南流入絳州至蒲州入河也

或曰出汾陽北山者地理志太原郡汾陽縣北山汾水所

出西南至汾陰入河過郡二行千三百四十里冀州浸馥

案過郡二太原河東也桓三年左傳逐翼侯於汾隰釋例

云汾水出太原故汾陽縣東南至晉陽縣西南經西河平

陽至河東汾陰縣入河晉語吾命之以汾陽之田百萬韋

云賈侍中云汾水名海內東經汾水出上窳北而西南注

河注云今汾水出太原晉陽故汾陽縣東南經晉陽西南

經西河平陽至河東汾陰入河北山經管涔之山汾水出

焉而西流注於河注云山今在太原郡故汾陽縣北秀容

山水至汾陰縣北西入河晏氏類要管涔山在宜芳縣北

一百三十里本漢汾陽縣前趙錄劉曜嘗隱於管涔山水

經汾水出太原汾陽縣管涔山隋圖經大業十六年較於

汾州北臨汾水起汾陽宮即管涔山汾河源所出之處括

地志汾水出嵐州靜樂縣北百三十里管涔山北東南

流入并州即西南流入絳州至蒲州入河也通典嵐州靜

樂縣下云有管涔山在縣北一百三十里汾水源出焉九域

志憲州靜樂縣有管涔山汾水寰宇記嵐州靜樂縣管涔

山在縣北一名管涔山山海經云汾水所出涔音岑管涔

姦土人云其山多菅草或以為名又為管字淮南地形訓

汾出燕京高云燕京山在太原汾陽汾水所出西南至汾

陰入河冀州浸前趙錄汾水出管涔山之陽十三州記汾

水出周武縣之燕京山蓋管涔之異名也冀州浸者

周禮職方氏河內曰冀州其浸汾潞注云汾出汾陽

水出霍山西南入汾從水會聲切古外

竹書紀年晉出公

五年滄絕於梁

水出霍山者徐鍇本作水出河西霍山馥案河西當為河

東地理志河東郡彘縣霍大山在東冀州山玉篇澮水出

兌文解字義登

卷三十三

三

平陽絳縣西元和志霍邑縣霍山一名太岳在縣西東三里禹貢曰壺口雷首至于太岳鄭元注曰今河東隄縣霍太山是也水經澮水出河東絳縣東澮交東高山酈注澮水東出絳高山亦曰河南山又曰澮山西南與諸水合謂之澮交元和志絳州翼城縣澮高山在縣東南二十五里澮水出焉九域志絳州翼城縣有澮水馥案澮水西逕翼城南不出於翼城故曰有西南入汾者春秋釋例澮出平陽絳縣西南入汾水經澮水又西至王澤注於汾水



水出上黨羊頭山東南入河從水心磬

七鳩切

水出上黨羊頭山者徐鍇本作水出上黨穀遠地理志上黨郡穀遠縣羊頭山世靡谷沁水所出郡國志上黨郡穀遠下注云上黨記曰有羊頭山沁水所出晏氏類要羊頭山在上黨壺關縣九域志潞州長子縣有羊頭山元和志潞州長子縣羊頭山在縣東五十六里後漢安帝時羌寇河東以任尙為御史擊破於羊頭山謂此也寰宇記澤州高平縣本漢涅氏縣屬上黨郡羊頭山在縣北三十五里山海經云神農嘗五穀之所山形象羊頭水經沁水出上黨涅縣謁戾山酈注沁水即涅水也或言出穀遠縣羊頭山世靡谷地理志上黨郡涅氏縣涅水也顏注涅水出焉

故以名縣也北山經謁戾之山沁水出焉南流注於河郭注謁戾山在上黨郡涅縣沁水至滎陽縣東北入河或出穀遠縣羊頭山也馥案寰宇記縣上縣本漢穀遠縣地屬上黨郡羊頭山一名謁戾山在縣東北五十里沁水所出此以謁戾羊頭為一山與郭說異元和志縣上縣本漢穀遠縣地羊頭山在縣東北五十里沁水所出又云沁水一名少水出縣東南二十四里覆轍山左傳曰齊侯伐晉封少水為京觀也馥案水經注引京相璠曰少水今沁水也廣韻沁州本漢穀遠縣後魏置沁源縣武德初置州因沁水以名通鑑安慶緒間李嗣業在河內涉沁水攻之注云沁水出沁州沁源縣東南出山而東流過河內縣北慶緒自鄴屯河內須度沁水郡縣釋名沁河源出沁源縣有二一自縣西北縣山東谷南流一自縣東北馬圈溝南流俱至交口郵合流入黃河魏司馬孚請造石門表曰臣被明詔興河內水利臣既到檢行沁水源出銅鞮山屈曲周迴水道九百里魏土地記河內郡野王縣西七十里有沁水左逕沁水城西附城東南流也東南入河者海內東經沁水出井陘山東東南注河水經沁水東南至滎陽縣北東入於河又河水云又東北過武德縣東沁水從西北來注之地理志沁水東南至滎陽入河顏注今沁水至懷州

武陟縣界入河此云至滎陽疑轉寫錯誤案  
郭注山海經亦云沁水至滎陽縣北東入河

沾

水出壺關東入淇一曰沾益也從水占聲他兼切

水出壺關者徐鍇本作水出上黨壺關地理志上黨郡壺關縣沾水東至朝歌入淇又沾縣下應劭曰沾水出壺關郡國志注壺關今名無辜醜謂畢當作畢即皋東入淇者見地理志一曰沾益也者廣雅同俗作添玉篇添益也庾信橙賦香添然蜜梁簡文帝七屬若乃越梅變實楚醴方添

潞

冀州浸也上黨有潞縣從水路聲洛故切

冀州浸也者周禮職方氏冀州其浸汾潞鄭注潞出歸德圖經後周於襄垣縣立潞州以其浸汾潞為名醜謂冀州上當有水出北地歸德北夷界中入河十二字今潞入洛字下諸言潞者竝作洛字地理志北地郡直路縣沮水出東西入洛禹貢正義引水經沮水出北地直路縣東入洛水淮南地形訓洛出獵山高云獵山在北地西北夷中西山經秦冒之山洛水出焉晉灼引水經云洛水出上郡雕陰秦冒山過華陰入渭地理志上郡故匈奴歸顏注匈奴歸者

言匈奴歸附其郡有雕陰道又有洛都襄洛二縣西山經白於之山洛水出於其陽而東流注於渭括地志洛水源出慶州洛源縣白於山東南流經鄜坊丹同三州至華陰北南流入渭雍錄洛水出塞後經鄜坊同三州乃入渭元和志慶州洛源縣本漢歸德縣地屬北地郡大業元年改為洛源縣因洛水所出為名洛水源出自於山一名女郎山在縣北三十里寰宇記洛水源出自於山經上郡雕陰縣秦望山南過襄樂郡又東南過馮翊衙縣地也寰宇記坊州下云洛水在州東四十里按山海經云出自柞山地理志云出北地歸德縣北蠻夷中從鄜州洛川縣西南入中部鄜城二縣過入同州白水縣陳啟源曰漢歸德今慶陽府合水縣隋置洛源於其東北蓋指洛水之初入塞為源以名縣也山海經白於之山洛水出其陽東流以注於渭寰宇記白於山一名女郎山在合水縣北三十里亦謂洛出合水縣與隋洛源意同皆言洛之源也上黨有潞縣者地理志上黨郡潞縣故潞子國郡國志上黨郡潞縣注引上黨記潞濁漳也縣城臨潞十三州志潞縣潞水出焉九域志潞州潞城縣有潞水元和志潞州潞城縣本漢潞縣屬上黨郡漳水一名潞水在縣北闕駟曰潞水在縣北為冀州浸即漳水也按王猛與慕容評相樂於潞州評鬻

水與軍人相正水二石則此無他大川可以為  
浸所有惟漳水百故世俗尚謂濁漳為潞水也  
漳 濁漳出上黨長子鹿谷山東入清漳清漳出沾山大

要谷北入河南漳出南郡臨沮從水章聲 諸良切

濁漳出上黨長子鹿谷山者地理志上黨郡長子縣鹿谷  
山濁漳水所出周禮職方氏河內曰冀州其川漳注云漳  
出長子翁君樹培曰古布文有晉字即長子古文長從邑  
寰宇記潞州長子縣鹿谷山冀州圖經山在縣西有大道  
入壺口東出達襄國西登奚斯巨嶺以達河東經阻千里  
郡國志上黨郡屯留注引上黨記有鹿谷山濁漳所出  
北山經發鳩之山漳水出焉東流注於河郭注漳濁漳元  
和志潞州長子縣發鳩山在縣西南六十五里濁漳水出  
焉寰宇記上黨縣下引河北記濁漳源出發鳩山地理志  
信都國信都縣故漳河故虘沱河皆在北東入海禹貢絳  
水亦入海胡渭曰漢志雜采古記故漳絳二水並存實一  
川也漳絳本入河及河徙之後漳絳循河故道而下故酈  
元云水流開關所在著目信都復見絳名而東入於海也  
然漢志信都之絳水則又有別志云故漳河在北東入海

禹貢絳水亦入海蓋縣北故漳即禹河之故道而絳水出  
其南則漳水之徒流酈元所謂絳瀆者也濁漳注云漳水  
自南宮縣故城西又北絳瀆出焉今無水故瀆東南逕九  
門城南又東南逕南宮城北又東南逕繚城縣故城北左  
逕安城南又東北逕辟陽亭又北逕信都城東散入澤潞  
西至於信都城東連於廣川縣之張甲故瀆同歸於海故  
地理志曰禹貢絳水在信都東入於海也蓋漢時信都之  
漳水徙從其縣南故地志以為絳水而目縣北之瀆曰故  
漳河其後漳又復北道故水經敘漳水仍自信都縣西東  
北過下博縣胡氏又曰水經注濁漳所經以今輿地言之  
皆禹貢降水之所經也又曰宋張洎云降水即濁漳也地  
理志上黨屯留縣下云桑欽言降水出西南東入海酈道  
元引此文作入漳云絳水發源屯留下亂漳津與漳俱得  
通稱也水經所敘漳水自平恩以下皆禹河之故道河自  
斥漳又東北逕平恩曲周以至鉅鹿其西畔為大陸也毛  
晃禹貢指南濁漳水一名降水導河序北過降水至于大  
陸是也九域志河北東路冀州信都郡定武軍有昌亭城  
水經云漳水東北至昌亭今滹沱衡漳水今長盧河則其  
故瀆也鄴縣圖經濁漳水在縣西水東北津有永樂南  
西五里俗謂紫陌河此處即俗巫為河伯娶婦處也東

入清漳者地理志濁漳水東至鄴入清漳又魏郡武始縣  
漳水東至邯鄲入漳郭注北山經或曰濁漳出長子縣鹿  
谷山而東至鄴入清漳水經濁漳水出上黨長子縣西發  
鳩山過平舒縣東南入海馥案水經以濁漳流長清漳入  
於濁漳蓋以合流之下屬濁漳也潛邱劄記云漢志濁漳  
入清漳清漳東北至阜城入大河阜城在今阜城縣東二  
十里此與禹貢漳入河處不合蓋河既徙後之新道也水  
經清漳入於濁漳濁漳東北過平舒縣南東入海平舒乃  
東平舒今霸州大城縣此又河既徙班氏以後之新道也  
清漳出沽由大要谷者沽下山上有關文蓋言沽縣之  
某山也據水經山海經當是少山地理志上黨郡沾縣大  
更谷清漳水所出東北至邑成入大河過郡五行千六百  
八十里冀州川馥案更即要字北地郡大更顏注更即古  
要字也吳仁傑曰古文要作𠄎與𠄎相近水經注清漳水  
出大鵬谷注云大要谷是也邑成當為昌成鄭注禹貢言  
至安平阜成入河續漢志安平國故信都延光元年改其  
屬縣有阜成故昌城應劭曰前志作昌成是也過郡五者  
上黨郡魏郡廣平國鉅鹿郡信都國也鄭注禹貢漳水在  
上黨沾縣大要谷東北至安平阜成入河水經清漳水出  
上黨沾縣西北少山大要谷東至武安縣南黍窖邑入於

濁漳酈注漳水出鹿谷山與發鳩連麓而在南淮南子謂  
之發苞山故異名互見也又云淮南子曰清漳出謁戾山  
高誘云山在沾縣今清漳出沾縣故城東北俗謂之沾山  
其山亦曰鹿谷山水出大要谷寰宇記平定軍樂平縣即  
漢沾縣清漳水出縣西南少山一名河逢山福地記  
曰河逢山在樂平沾縣高八百丈可避兵水此即恆山之  
佐命也玉海引薛氏曰濁漳出潞州長子縣東至磁州武  
安縣入清漳清漳出平定軍樂平縣合虜池易水東北至  
滄州清池入海清漳即衡水也信都記衡水亦曰長蘆水  
即濁漳之下流也水有袁潭渡歷干博城北而逶迤東注  
謂之九爭曲水味鹹苦俗稱苦河亦謂之黃漳河是也元  
和志潞州涉縣清漳水一名涉河在縣南一里九域志遼  
州遼山縣有清漳水北入河者地理志清漳水東北至  
邑成入大河又廣平國席章縣下應劭曰漳水出沽北入  
河禹貢至于衡漳鄭注橫漳漳水橫流入河北山經少山  
清漳之水出焉東流於濁漳之水注云清漳出少山大要  
谷至武安縣南黍窖邑入於濁漳或曰東北至邑成入於  
大河也淮南地形訓清漳出謁戾濁漳出發苞高云謁戾  
山在上黨發苞山一名鹿苦山亦在上黨長子二漳合流  
經魏郡入清河南漳出南郡臨沮者不及所入疑有關

漏地理志南郡臨沮縣禹貢南條荆山在東北漳水所出  
東至江陵入陽水陽水入河行六百里水經漳水出臨沮  
縣東荆山又南至枝江縣北烏扶邑入於沮鄴云地理志  
曰東至江陵入陽水注於沔非也今漳水於當陽縣之東  
南百餘里而右會沮水也宣四年左傳師於漳潞釋例云  
漳水出新城沔鄉縣南至荆山東南經襄陽南郡當陽縣  
入沮哀六年傳江漢沮漳楚之望也土地名云漳經襄陽  
至南郡當陽入沮中山經荆山漳水出焉而東南流注於  
睢注云荆山今在新城沔鄉縣南漳水出荆山至南郡當  
陽縣入沮水寰宇記漳沮二水並出建安界而合流於當  
陽縣北王粲登樓賦挾清漳之通浦倚曲沮  
之長洲贈士孫文始詩遷於荆楚在漳之濱

**沮** 水出河內其北山東入河或曰出隆慮西山從水其

聲渠之切

水出河內其北山者地理志河內郡其縣周共故國北山  
淇水所出晉書地理志汲郡其縣北山淇水所出詩豳彼  
泉水亦流于淇桑中送我乎淇之上矣傳並云淇水名也  
禹貢北過降水鄭注今河內其縣北山其水出焉東至魏

郡黎陽縣入河近所謂降水也降讀當如邲降於齊師之  
降聲轉為其蓋周時國於此地者惡言降故改謂之其百  
十三州記昔其伯復歸於國道遙得意於其山之首寰宇  
記淇口水出其山東至衛縣西一里過又南流二十三里  
與清水合入河謂之淇水口馥案所稱其山即北山東  
入河者地理志淇水東至黎陽入河隋圖經清淇西自魏  
郡朝歌界入分為二派一在郡東一在郡西俱南流入河  
通典衛州衛縣下云淇水出其山東至今縣界入河謂之  
淇水口或曰出隆慮西山者玉篇淇水出林慮山水經  
淇水出河內隆慮縣西大號山東過內黃縣南為白溝屈  
從縣東北與洹水合又東北過廣宗縣東為清河又東北  
過漂榆邑入於海淮南地形訓淇出大號高注大號山在  
河內其縣北或曰在隆慮西北山經沮洳之山淇水出焉  
南流注於河注云今淇水出汲郡隆慮縣大號山東過河  
內縣南為白溝元和志衛州其城縣漢  
屬河內郡淇水源自縣西北沮洳山

**蕩** 水出河內蕩陰東入黃澤從水蕩聲徒朗切

水出河內蕩陰者地理志河內郡蕩陰蕩水東至內黃澤  
西山羨水所出亦至內黃入蕩水經蕩水出河內蕩陰縣

西山東九域志大名府內黃縣有蕩水或借湯字趙策魏安釐王使將軍救趙止於湯陰寰宇記湯陰縣湯水在縣治北源出縣西牟山去縣三十五里又云湯陰縣古羗里之地在七國時魏之蕩陰漢以為湯陰縣屬河內郡因蕩水為名集韻云或從竹通作湯廣韻蕩吐郎切水名在鄴今蕩陰縣單作湯又蕩徒朗切水名出湯陰馥案從艸之蕩宋人重修所加東入黃澤者水經蕩水東北至內黃縣入於黃澤程君瑤田曰字林林慮黃水發源神困之山谷按林慮即漢志河內郡屬之隆慮隆慮之下次以蕩陰云蕩水東至內黃澤然則內黃澤者疑即林慮黃水來至此滙為澤也魏郡內黃縣下應劭曰春秋吳子晉侯會於黃池今黃澤在西臣瓚以為陳畱郡屬之外黃有黃溝則黃澤不得在魏郡師古是瓚說余謂黃池自非黃澤而黃澤當為林慮黃水之所滙足證字林之說矣

水出河東東垣王屋山東為沛從水允聲

漢書天文志角亢氏沅州 春秋元命苞五星流為沅州蓋取沅水以為名焉 通典兗之為言端也信也端言陽精端端故其氣纖殺也 禹貢濟河惟兗州史記作沅 葉盛水東日記崑山盧熊通篆籀之學嘗為兗州知州既視篆即具

奏以印文兗字誤類衮字官署印款時尚循宋制云馥案隸作兗兗即允字一橫為水之中畫二為中畫之上下今書作隸體矣

水出河東東垣王屋山東者地理志河東郡垣縣禹貢王屋山在東北沅水所出東南至武德入河軼出滎陽北地中又東至琅槐入海過郡九行千八百四十里郡國志河東郡垣縣有王屋山兗水出馥案兩漢志並單作垣不稱東垣鄭注職方兗水出東垣史記集解引鄭注禹貢沅水出河東東垣王屋山郭注山海經亦稱東垣劉昭注郡國志引博物記曰山在東狀如垣然則東字不誤疑漢志傳寫脫漏晉書地理志河東郡垣縣王屋山在東北沅水所出通典絳州垣縣下云東北有王屋山沅水所出元和志河南府王屋縣王屋山在縣北十五里週迴一百三十里高三十里禹貢底柱析城至于王屋是也寰宇記澤州陽城縣本漢濩澤縣屬河東郡王屋山在縣南五十里括地志兗水出懷州王屋縣北十里王屋山頂崖下石泉淳不流其深不測至縣西北二里平地其源重發而東南流為滎之水經云滎東至溫縣西北為沛或借聯字北山經王屋之山聯水出焉而西流注於泰澤注云王屋山今在河東

東垣縣北書曰至于王屋也地理志王屋山沈水所出聯  
沈聲相近殆一水耳沈即濟也又譌為衍水經注濟水又  
東逕原城南東合北水亂流東南注分為二水一水東南  
流俗謂之為衍水即沈水也衍沈聲相近轉呼失實也  
東為滂者廣韻沈濟水別名地理志導沈水東流為滂顏  
注泉出王屋山名為沈流去乃為滂也寰宇記沈水出王  
屋山東流至濟源縣而名濟水

古文沈

本書下有沿字口部  
台讀若沈州之沈

沈也東入於海從水出聲 子禮

徐鍇繫傳涉今多作濟故與常山濟水相亂此則四瀆之濟  
廣雅涉濟也 釋名涉濟也源出河北濟河而南也 水  
經注風俗通曰濟出常山房子縣贊皇山廟在東郡臨邑縣  
今按二濟同名所出不同鄉源亦別斯乃應氏之非矣 釋  
名濟南濟水在其南也濟北濟水在其北也濟陰在濟水之  
陰也馥案陰當為陽後人改之水以北為陽 隱三年左傳

鄭伯之車償於濟 吳語西屬之濟注云濟宋水也馥案此

謂河南之濟 燕策齊有清濟濁河 秦策濟清河濁高注

濟水清河水濁 述征記河內溫縣有濟入於黃河謂之濟

源 唐書許敬宗傳帝曰書稱浮于濟潔今濟與潔斷不相

屬何故而然對曰夏禹導沈水東流為濟入於河今自潔至

溫而入河水自此泆地過河而南出為滎又泆而至曹濮散

出於地合而東汶水自南入之所謂泆為滎東出于陶邱北

又東會于汶是也古者五行皆有官水官不失職則能辨味

與色潛而出合而更分皆能識之 夢溪筆談古說濟水伏

流地中今歷下凡發地下皆是流水東阿亦濟水所經取井

水煮膠謂之阿膠其性趨下清而且重用攪濁水則清故以  
治淤濁及逆上之疾也 通典濟水因王莽末旱渠涸不復  
截河過今東平濟南淄川北海界中有水流入於海謂之清  
河實河澤汶水合流而曰濟河蓋因舊名非本濟水也 元  
和志濟水自王莽末入河同流於海知河南之地無濟水矣  
自後所說皆襲舊名如鄆州之須昌濟州之長清盧縣齊州  
之臨邑豐齊全節臨濟章邱淄州之濟陽長山鄒平高苑青  
州之博昌諸縣界中並有濟水其後則不經博昌而改從棗  
州之蒲臺入海是皆襲舊名而實非濟也 潛邱劄記以水  
經注元和志寰宇記諸書考之濟水最南潔水在中河水最

北今者小清所經自歷城以東如章邱鄒平長山新城高苑博興樂安諸縣皆古濟水所行而大清所經自歷城以上至東阿固皆濟水故道而自歷城東北如濟陽齊東青城諸縣則皆古灑水所行蒲臺以北則古河水所經蓋唐宋時河行灑川其後大清兼行河灑二川其小清所行則斷為濟水故道也 盛君百二曰地理志下縣下云泗水至方與入沛蒼縣下云梁水至胡陵入沛郡國志臨邑有沛瀆廟諸沛字竝誤作沛水經泗水篇河水過沛瀆作縣酈道元曰沛即濟水之苞注以成湖澤昔許由隱於沛瀆作澤即是縣也縣蓋取澤為名夫縣因澤名非沛而何又地理志秦泗水郡漢改沛郡沛亦當作沛沛即泗也蓋沛至乘氏縣分為二其一東北流至博昌入海其一東南流為泗水注泗以入淮注泗之後沛泗亦復通稱矣沛雖別為沛而仍以濟名漢胡陵縣有魯侯觀魚臺下臨沛水春秋公矢魚於棠即此而公羊傳以棠為濟上邑是也按水經濟水篇自乘氏以至湖陸陸麟即分沛之沛自沛瀆作縣以至睢陵即入淮之泗而皆以為濟水又云沛水東至湖陸南東入於泗又東過沛縣東北酈氏曰濟與泗亂故濟納互稱矣互稱者縣臨泗水乃曰沛故特釋之猶泗水郡之為沛郡也漢高為泗上亭長而稱沛公亦然合此參之沛之當為沛明矣左傳齊侯曰於沛杜云沛澤

名此亦沛之訛蓋在沛水旁博昌相近之處也

沈也者地理志東郡臨邑縣有沛廟顏注沛亦濟水字也禹貢導沈水東流為濟傳云泉源為沈流去為濟水經濟

水出河東垣縣東王屋山為沈水又東至溫縣西北為濟水酈注河水云成皋大伾山在河內修武武德之界濟沈

之水與滎播澤出人自此即經所謂濟水從北來注之者周禮職方氏河東曰兗州其川河沛莊三十年春秋公及

齊侯遇於魯濟注云濟水歷齊魯界在齊界為齊濟在魯界為魯濟漢官解詁兗衛濟河胡廣注引濟河惟兗州楊

雄兗州牧箴悠悠濟河兗州之寓九州記濟水一名沈水出濟源山元和志兗州在濟河之閒因濟水發源為名博

物志濟出王屋山爾雅釋文濟出河東東垣縣王屋山或云出河內溫西北平地淮南地形訓濟出王屋高注王屋

山在河東東垣縣東北史記夏本紀浮於濟灑索隱云濟水出河東東垣縣王屋山東其流至濟陰故應劭云濟水

出平原濟陰縣東元和志濟水有二源其東源週迴七百

步深不測西源週迴六百八十五步深一丈皆繚之以周

牆源出王屋山後漢書王景傳建武十年陽武令張汜上

言河決積久日月侵毀濟渠所漂數十許縣注云濟水出

今洛州濟源縣西北東流經溫縣入河度河東南入鄭州  
又東入滑曹鄆濟齊青等州入海卽此渠也王莽末旱因  
枯涸但入河內而已西征記濟水自大伾入河與河水鬪  
而東流東入於海者禹貢導沅水東流爲濟入于河溢  
爲滎東出于陶邱北又東至于荷又東北會于汶又北東  
入于海顏師古云沅水而爲濟截河內爲滎澤陶邱今在  
曹州定陶西南過荷澤又與汶水會北折而東入於海僖  
三十一年左傳分曹地自洮以南東傳於濟釋例濟自滎  
陽卷縣東經陳留至濟陰北經高平東經濟北東北經濟  
南至樂安博昌縣入海海內東經濟水出共山南東邱絕  
鉅鹿澤注渤海唐書許敬宗傳帝曰天下洪流巨谷不載  
祀典濟甚細而在四瀆何哉對曰瀆之爲言獨也不因餘  
水獨能赴海者也狀雖微細獨而尊也元和志博昌縣海  
浦在縣東北二百八里卽濟水東流入海之處水口謂之  
海浦胡渭曰濟瀆入海之道自唐以來亦數變初經高苑  
縣北又東北至博昌入海其後則不由博昌通典云舊濟  
合在今博昌縣界今無元和志蒲臺縣下云海在縣東一  
百四十里海畔有一沙阜俗呼爲鬪口淀是濟水入海之  
處海潮與濟相觸故名蓋其時濟水改道從蒲臺東北入  
海也宋南渡後劉豫導灤水東行入濟水故道爲小清河

仍經高苑縣北至樂安縣入海及金皇統中縣令高通改  
由縣南長沙溝至博興合時水又東北至樂安由馬車瀆

海入



水出南郡高城滄山東入繇從水危聲

過委切

水出南郡高城滄山者地理志南郡高成縣滄山滄水所  
出東入繇繇水南至華容入江寰宇記荆州滋滋縣滄山  
下云地理志高城縣滄山滄水所出東入繇卽爲此也中  
山經宜諸之山滄水出焉而南流注於漳注云今滄水出  
南郡東滄山至華容縣入江也東入繇者或作油字水  
經注滄水出高城縣滄山東逕其縣下東至孱陵縣入油

水也



水在漢南從水差聲荆州浸也春秋傳曰脩涂梁差

側駕切

水在漢南者後漢書馬融傳浸以波差注云水經注云差  
水出黃山在今隨州棗陽縣東北元和志隨縣斷蛇邱在

縣北二十五里澇水在邱西四十里九域志隨州唐城縣有澇水荆州浸也者周禮職方氏河南曰豫州其浸波澇鄭注春秋傳曰楚子除道梁澇營軍臨隨則澇宜屬荆州在此非也丁君杰曰澇實豫州浸疑後人改說文以合職方注春秋傳曰修涂梁澇者莊四年左傳文彼作除道梁澇注云澇水在義陽厥縣西東南入鄖水正義云釋例曰義陽厥縣西有澇水源出縣北從縣西東南至隨縣入鄖水杜以澇解澇蓋聲相近而字轉百水經注涇水云澇水出隨縣西北黃山南逕澇西縣西又東南逕隨縣故城西楚武王伐隨除道梁澇謂此水也又南流注於涇

**涇** 水出桂陽縣盧聚山涇浦關為桂水從水匿聲去王切

水出桂陽縣盧聚山者縣山工字並衍方言南楚瀑涇之閒郭注涇水出桂陽水經涇水出桂陽縣盧聚山俗本東南過合涇縣南出涇浦關為桂水鄭注云水出桂陽縣西北上驛山盧谿為盧谿水東南流逕桂陽縣故城謂之涇水地理志曰涇水出桂陽南至四會是也寰宇記英州浚涇縣地有涇浦地理志南海郡中宿縣有涇浦官馥謂此如雲夢官樓船官陂官湖官之官水經作關鄭注涇水出關右合漆水謂之涇口元和志廣州滇陽縣涇浦故關在

縣西南四十五里地理志桂陽郡含涇縣下應劭曰涇水所出東北入沅馥案水經注云瓚注漢書沅在武陵去涇遠又隔湘水不得入沅 涇浦關為桂水者當如水經云南出涇浦關為桂水海內東經涇水出桂陽西北山東南注肄水水經注涇水山海經謂之涇水漢武帝元鼎元年路博德為伏波將軍征南越出桂陽下涇水即此水矣桂水其別名也地理志桂陽郡桂陽縣下應劭曰桂水所出東北入湘水經鍾水出桂陽南平縣都山北過其縣東又北過鍾亭與灌水分注鍾水即嶠水也庾仲初曰嶠水南入始興漆水注於海北入桂陽湘水注於江是也嶠水楠入漆水鍾水注於海北入桂陽湘水注於江是也嶠水經仍其非矣桂水出桂陽縣北界山壁高聳三面特峻石泉縣注瀑布而下北經南平縣而東北流屈鍾亭右會鍾水通為桂水也故應劭曰桂水出桂陽東北入湘馥案灌當為涇元和志郴州臨武縣雞水在縣南即桂水也

**涇** 水出盧江入淮從水惠聲 胡計切

水出盧江者玉篇集韻並引作盧江洪君亮吉日漢志盧江之泚水疑即說文之漈水以音近而淆馥案徐邈讀泚

為古惠反則與漚聲近矣 入淮者當為入灌此沿  
 漢志之誤漢志云決水北至蓼入淮淮乃灌之譌

**灇**

水出盧江雩婁北入淮從水灌聲

古玩切

水出盧江雩婁者地理志盧江郡淮水出又雩婁縣下云  
 決水北至蓼入淮又有灌水亦北至蓼入決二淮字並當  
 為灌水經注決水云灌水導源盧江金蘭縣西北東陵鄉  
 大蘇山即淮水也詳慎目出雩婁縣俗謂之澮水楮先生  
 所謂神龜出於江灌之陽嘉林之中蓋謂此水也馥案澮  
 水即決水字異聲同鄭元謂灌水即淮水蓋舍灌水不能  
 別尋一淮水又惑於誤本之漢志難除淮水之日遂遷就  
 其說以為一水 北入淮者當為北入漚水經注灌水東  
 北逕蓼縣故城西而北注決水故地理志曰決水北至蓼  
 入淮灌水亦至蓼入決馥謂決水即漚水北至蓼入淮者  
 當為  
 入灌

**漸**

水出丹陽黟南蠻中東入海從水斬聲

慈丹切

李燾本漸次也  
 案廣雅擊次也

水出丹陽黟南蠻中者李燾本無南蠻中三字地理志丹  
 陽郡黟漸江水出南蠻夷中東入海顏注黟音伊字本作  
 黔其音同羅願新安志謂夷字衍又謂蠻中二字亦誤當  
 作牽山水經漸江水出二天子都北過餘杭東入於海酈  
 云山海經謂之浙江也元和志休寧縣漸江一名浙江源  
 出縣東南橫鄣山東流經歙縣又東南入睦州界 東入  
 海者李本作南入海水經注浙江又東注  
 於海故山海經曰浙江在閩西北入海

**淦**

水出丹陽宛陵西北入江從水令聲

郎丁切

水出丹陽宛陵者地理志丹陽郡宛陵縣清水徐鍇曰清  
 洽同也 西北入江者地理志清水西北至蕪湖入江

**淦**

水在丹陽從水筭聲

匹卦切

玉篇廣韻  
 竝作淦

水在丹陽者簿或省作淦宋書長沙景王道憐傳芍陂有  
 舊溝引淦水入陂寰宇記壽州六安縣淦水枕縣西門外  
 三十步源  
 出多智山

溧

水出丹陽溧陽縣從水栗聲

力質切

水出丹陽溧陽縣者縣字衍地理志丹陽郡溧陽下應劭曰溧水所出南湖也徐鍇引作南入湖晉書地理志丹陽郡溧陽縣溧水所出元和志溧陽縣溧水在縣西六里寰宇記溧陽縣溧水西自溧水縣界流入九域志江寧府溧陽縣有溧水廣韻溧水縣在宣州吳越春秋伍子胥奔吳至溧陽山謙之丹陽記江寧烈洲吳舊津所也亦曰溧洲馥案栗列聲相近

湘

水出零陵陽海山北入江從水相聲

息良切

湘中記湘水至清雖深五六丈見底了了石子如擣蒲矢五色鮮明白沙如霜雪赤岸如朝霞水出零陵陽海山者地理志零陵郡零陵縣陽海山湘水所出北至鄱入江過郡二行二千五百三十里郡國志零陵陽海山湘水出郭注方言云湘水名今在零陵水經湘水出零陵始安縣陽海山海內東經湘水出舜葬東南陬西環之入洞庭下郭注今湘水出零陵營道縣陽湖山入江史記屈原傳浩浩沅湘兮正義云說文云沅水出牂柯

東北流入江湘水出零陵縣陽海山北至鄱入江案二水皆經岳州而入大江也王觀國曰今全桂二州之間有陽海山有水自山出至山下則分流為二其一向南流者為離水其一向北流者為湘水其地在漢屬零陵郡寰宇記桂州興安縣陽海山在縣城北一百七十里注水經云陽海山一名陽湖山其山自永州零陵縣西南迤邐岡巒連亘不絕此山即湘離二水之源又云桂州臨桂縣湘水今名小湘江源出臨源縣陽海山湘離同源分為二水水在全義嶺上南流為離水北流為湘水元和志桂州全義縣本漢始安縣之地屬零陵郡湘水縣東南八十里陽湖山下經零陵郡西十里陽湖山即零陵山也其初則觴為之舟至洞庭日月若出入其中北入江者史記正義引有至鄱二字與漢志同水經湘水北至巴邱山入於江元和志湘水北入青草湖即巴邱湖周迴二百六十五里俗云即古雲夢澤也

汨

長沙汨羅淵屈原所沈之水從水冥省聲

莫狄切

長沙汨羅淵者九域志岳州平江縣有汨水庾闡弔賈誼文涉湘川而觀汨水佩觿集汨莫的翻汨羅江應劭曰汨

水在羅故曰汨羅昭五年左傳楚子以駟至於羅汨杜注  
 羅水名楚詞七諫測汨羅之湘水兮注云汨水在長沙羅  
 縣下注湘水史記索隱云地理志長沙有羅縣羅子之所  
 徙荆州記羅縣北帶汨水水經注湘水云湘水又北汨水  
 注之水東出豫章艾縣桓山西南逕吳昌縣又西逕羅縣  
 北亦謂之羅水又西逕玉笥山又西為屈潭即汨羅淵也  
 又西逕汨羅戎南西流注於湘春秋之羅汨矣世謂之汨  
 羅口一統志汨羅江名在湘陰縣北十里源出豫章流經  
 湘陰分二水一南流曰汨水一經古羅城曰羅水至屈潭  
 復合故曰汨羅西流入湘 屈原所沈之水者玉篇引作  
 屈平廣韻汨羅水名在豫章屈原所沈之處史記屈原傳  
 於是懷石遂自投汨羅以死賈誼弔屈原文則問屈原兮  
 自沈汨羅造訛湘流兮敬弔先生新序屈原自投湘水汨  
 羅之中而歿風俗通懷王佞臣上官子蘭斥遠忠臣屈原  
 作離騷之賦自投汨羅水水經注汨水又西為屈潭即汨  
 羅淵也屈原懷沙自沈於此故淵潭以屈為名荆州記羅  
 縣北帶汨水水源出豫章艾縣界西流注湘沿汨西北去  
 縣三十里名為屈潭屈原自沈處宋書顏延之傳道經汨  
 潭為湘州刺史張紀祭屈原以致其意曰弔節羅潭艤舟  
 汨渚又云望汨心歛瞻羅思越抱朴子屈原投汨羅之日



水出桂陽臨武入匯從水秦聲

側說

人竝命舟楫以迎之至今以為競渡制楚歲時記五月五  
 日俗為屈原投汨羅日傷其死所竝命舟楫以拯之續齊  
 諧記屈原以五月五日投汨羅而外楚人哀之每於此日  
 以筒貯米投水祭之通典湘陰縣下云縣北有汨水即屈  
 原懷沙自沈之處俗謂之羅江元和志湘陰縣汨水東北  
 自洪州建昌縣界流入西經玉笥山又西經羅國故城為  
 屈潭即屈原懷沙自決之處又西流入  
 於湘水 冥省警者與慎從冥警同

水出桂陽臨武者地理志桂陽郡臨武縣秦水東南至滇  
 陽入匯行七百里元和志溱水一名始興大江馥案桂陽  
 縣後割屬始興也水經溱水南出匯浦關為桂水酈注關  
 在中宿縣溱水出關右合溱水謂之匯口又水經溱水出  
 桂陽臨武縣南繞城西西北屈東流東至曲江縣安甯邑東  
 屈西南流迺陽縣出匯浦關與桂水合南入於海酈注  
 溱水導源縣西南北流逕縣西而北與武谿合山海經曰  
 肆水出臨武西南而東南注於海人番禺西肆水蓋溱水  
 之別名也又云溱水又西南匯水入焉山海經所謂滄水  
 出桂陽西北山東南注肆入敦浦西者也又云溱水又南

注於鬱而入於海海內東經肆水出臨晉西南而東南注海馥案水經注引作臨武云肆即溱水別名入匯者地理志桂陽縣匯水南至四會入鬱林過郡二行九百里應劭曰桂水所出東北入湘水經注匯水云徐廣曰湟水一名匯水出桂陽通四會亦曰淮水也水經溱水出匯浦關與桂水合馥案桂為匯之下流即匯水

澗

水出桂陽南平西入營道從水突聲

式針切

水出桂陽南平者水經深水出桂陽盧聚西北過零陵營道縣南又西北過營浦縣南又西北過泉陵縣西北七里至燕室邪入於湘酈注呂忱曰深水一名遂水導源盧溪西入營水亂流營波同注湘津許慎云深水出桂陽南平縣也經書桂陽者縣本隸桂陽郡後割屬始興縣有盧溪盧聚山在南平縣之南九疑山東也西入營道者趙一清曰據水經當云西至營道入湘

潭

水出武陵鐘成玉山東入鬱林從水潭聲

徒含切

水出武陵鐘成玉山者地理志武陵郡鐘成玉山潭水所出東至阿林入鬱過郡二行七百二十里馥案阿林縣屬

鬱林郡水經注溫水云潭水出武陵郡鐘成縣玉山東流逕鬱林郡潭中縣又逕中畱縣東阿林縣西右入鬱水方言湘潭之原注云潭水名出武陵音譚亦音淫元和志韶州曲江縣玉山在縣東南十里東入鬱林者林字衍謂入鬱水也應劭曰潭水東至阿林入鬱元和志鬱水一名西江水九域志貴州鬱林縣有鬱江地理志鬱林郡廣鬱縣鬱水首受夜郎豚水東至四會入海又牂柯郡夜郎縣豚水東至廣鬱

油

水出武陵孱陵西東南入江從水由聲

以周切

水出武陵孱陵西者水經注孱陵縣有白石山油水所出又江水注云公安縣有油水水東有景口即武陵郡界東南入江者水經油水出武陵孱陵縣西界東過其縣北又東北入於江又江水云油水從東南來注之馥案從東南來與本書東南入不合疑本書作東北

澗

水出豫章艾縣西入湘從水買聲

莫蟹切

水出豫章艾縣者縣字衍玉篇漢書云澗水出豫章馥案漢志豫章郡不言此水水經澗水出豫章艾縣西過長沙

羅縣西 西入湘者徐鍇本作西北入湘水經瀨水西至  
累石山入於湘水酈注累石山在羅口北瀨水又在羅水  
南流注於湘謂之東町口者也又注湘水云湘  
水又北逕白沙戍西又北右會東町口瀨水也

涇

水出南海龍川西入漆從水貞聲 陟盈切

水出南海龍川者吳錄瀨石山瀨水所出元和志廣州瀨  
陽縣瀨石山在縣北四十里瀨水所出又韶州曲江縣瀨  
水在縣東一里元鼎五年征南越樓船將軍下橫浦入瀨  
水即此水寰宇記韶州曲江以瀨水回曲因以名之西  
入漆者漢志桂陽郡瀨陽縣下應劭曰瀨水出南海龍川  
西入秦馥案臨武漆水字亦作秦水經漆水過瀨陽縣酈  
注漆水又西南歷臯口太尉二山之閒是曰瀨陽縣南右  
出峽左則瀨水注之水出南海龍川縣西逕瀨陽縣南右  
注漆水

留

水出鬱林郡從水留聲 力救切

水出鬱林郡者徐鍇本無郡字地理志鬱林郡有中留縣  
顏注留音力救反水名郡國志作留水經注溫水云鬱水

右則留水注之水南出  
布山縣下逕中留入鬱

翼

水出河南密縣東入潁從水翼聲 與職切

與前翼字同六  
書故翼亦作翼

舞

水出南陽舞陰者小字本作舞陽水經無水出舞陰縣西  
北扶予山東過其縣南又東過西平縣北又東過鄧縣南  
又東過定潁縣北東入於汝酈注山海經曰朝歌之山無  
水出焉東南流注於滎經書扶予者其山之異名乎滎水  
於舞陰縣北左會無水其道稍西不出其縣南且邑號無  
陰故無出南之理出南則為陽也非直不究又不思議地  
理志潁川郡舞陽縣下應劭曰舞水出南寰宇記舞陰縣  
舞水在縣北六十里字或作舞丸域志沅州黔陽縣有舞  
水又東南流逕鄧城西又東南流無水注之

魯

水出南陽魯陽入城父從水敖聲 五勞切

水出南陽魯陽者水經注汝水云汝水又逕郟縣故城南  
 激水注之水出魯陽縣之將孤山東南流許慎云水出南  
 陽魯陽入父城從水敖磬呂忱字林亦言在魯陽入城  
 父者酈氏注汝水引作父城彼注又云汝水又東南與龍  
 山水會水出龍山龍溪北流際父城縣故城東昔楚平王  
 大城城父以居太子建馥案昭十九年左傳費無極言於  
 楚子曰若大城城父而實太子焉以通北方王收南方是  
 得天下也王說從之故太子建居於城父注云城父今襄  
 城城父縣戴君震曰城父縣當為父城縣考楚之城父邑  
 漢置縣改曰父城屬潁川郡晉屬襄城郡晉譙郡有城父  
 縣漢屬沛郡是襄城郡之  
 父城漢晉皆不稱城父也

**觀**

水出南陽舞陽中陽山入潁從水親磬

七各切

水出南陽舞陽中陽山者舞陽當為舞陰中陽山水經注  
 引同地理志作中陰山玉篇瀨水出南陽舞陰五音集韻  
 引字林瀨水名在豫州地理志南陽郡舞陰縣中陰山瀨  
 水所出東至蔡入汝中山經葦山視水出焉東南流注於  
 汝水郭注或曰視宜為瀨瀨水今在南陽也水經瀨水出  
 無陰縣東上界山東過吳房縣南又東過濯陽縣南又東

過上蔡縣南東入汝酈注郭景純曰出葦山許慎云出中  
 陽山皆山之殊目也九域志蔡州遂平縣有瀨水入潁  
 者漢志山海經  
 水經並云入汝

**淮**

水出南陽平氏桐柏大復山東南入海從水佳聲

戶乖切

水出南陽平氏桐柏大復山者地理志南陽郡平氏縣禹  
 貢桐柏大復山在東南淮水所出東南至淮陵入海過郡  
 四行三千二百四十里青州川胡渭曰淮陵故城在今盱  
 眙縣西北八十五里距海甚遙淮何得於縣界入海淮陵  
 乃淮陰之訛三千字亦太遠馥案淮陵水經作淮浦臨淮  
 郡有淮浦縣又按過郡四者南陽汝南九江臨淮也地理  
 志淮沂其又顏注淮出大復山又復陽縣下應劭曰在桐  
 柏大復山之陽郡國志南陽郡平氏桐柏大復山淮水出  
 注云荊州記曰桐柏淮源涌發其中潛流三十里東出大  
 復山南荊州副圖桐柏山禹貢所謂導淮自桐柏者也其  
 山則雲峯秀峙林惟椅柏潛潤吐雷伏流數里水經淮水  
 出南陽平氏縣胎簪山東北過桐柏山東至廣陵淮浦縣

入於海酈注風俗通曰南陽平氏縣桐柏大復山在東南  
淮水所出也淮均也春秋說題辭曰淮者均其勢也釋名  
曰淮圍也圍繞揚州北界東至於海也爾雅曰淮為潁然  
淮水與醴水同源俱導西流為醴東流為淮潛流地下三  
十許里東出桐柏之大復山南謂之陽口海內東經淮水  
出餘山餘山在朝陽東義鄉西入海淮浦北誦注云今淮  
水出義陽平氏縣桐柏山東北經汝南汝陰淮南譙國  
下邳經淮陰縣入海朝陽縣今屬新野春秋說題辭淮出  
桐柏高注呂氏春秋淮水云淮水出桐柏山在平陽平氏  
縣也古文苑桐柏廟碑淮出平氏始於大復潛行地中見  
於陽口鄭注尚書桐柏山在平陽平氏東南風俗通淮出  
南陽平氏桐柏大復山東南入海禹貢海岱及淮淮沂其  
又詩云淮水湯湯晉書地理志義陽郡西平氏縣桐柏山  
在南通典唐州桐柏縣下云因山為名淮水所出元和志  
桐柏縣桐柏山在縣西南九十里淮水出桐柏山一名大  
復山寰宇記桐柏縣淮水出廢平氏縣桐柏山東流桐柏  
山其陽有淮瀆祠胎簪山在桐柏縣西北三十里九域志  
唐州桐柏縣有桐柏山淮水壽春府有淮瀆禹貢指南淮  
水出胎簪山東北過桐柏胎簪蓋桐柏之旁小山也在南  
陽平氏縣東南入海者見釋名山海經風俗通馥案淮



水出南陽魯陽堯山東北入汝從水蚩馨

直凡切

為四瀆之一白虎通巡狩篇瀆者濁也中國垢濁發源東  
注海佳馨者顧炎武曰淮從鳥佳之佳後人誤讀為淮  
沂其又之淮而呼為槐河按淮字當從佳人之佳乃得馨  
今本說文亦誤馥謂此說非也淮之從佳猶槐之從鬼顧  
氏於從鬼之槐又何說邪按昭十二年左傳有酒如淮有  
肉如坻寡君中此為諸侯師顏延之和謝監靈運詩惜無  
爵雉化何用充江淮去國還故里幽門樹蓬藜古不讀戶乖切也故釋名云淮圍也

水出南陽魯陽堯山者地理志南陽郡魯陽縣魯山潢水  
所出東北至定陵入汝郡國志南陽郡雒縣下注引博物  
記潢水出水經潢水出南陽魯陽縣之堯山東北過潁川  
定陵縣西北又東過鄆縣南東入於汝酈注堯山在太和  
川太和城東北潢水出焉張衡南都賦曰其川瀆則潢澧  
藻澧發源巖穴布瀆漫汗滌沅洋溢總括急趨箭馳風疾  
者也九域志汝州魯山縣有潢水晉書杜預傳激用潢涓  
諸水以浸原田萬餘頃襄十八年左傳涉於魚齒之下杜  
注魚齒山之下有潢水故言涉東觀漢記上與王尋戰大  
破之卦水溺厥者以萬數潢水為之不流元和志魯山縣

本漢魯陽縣屬南陽郡澧水出縣西大柏山寰宇記舞陽  
縣澧水在縣北四十五里水經云澧水出魯陽縣西東北  
過定陵入於汝定陵在今縣北六十里集韻泚與澧同注  
引本書同僖三十三年左傳晉陽處父侵蔡楚子上救之  
與晉師夾泚而軍杜注泚水出魯陽縣東經襄城定陵入  
汝東北入汝者水經注澧水東逕西不羹亭南亭北背  
汝水於定陵城北東入汝又注汝水云又東  
南逕定陵縣故城北水右則澧水左入焉

澧

水出南陽雒衡山東入汝從水豐聲

盧啟切

水出南陽雒衡山者地理志南陽郡雒縣衡山澧水所出  
東至郢入汝後漢書馬融傳面據衡陰注云衡陰衡山之  
北山海經曰雒山澧水出焉東曰衡山地理志云雒縣衡  
山澧水所出在今鄧州向城縣北中山經雒山澧水出焉  
東流注於視水馥案雅山漢書注引作雒山視水水經注  
作泚水蓋澧與泚合而後入汝泚即芹溝水水經注汝水  
云芹溝水導源葉縣東逕濼陽城北又東逕定陵縣南又  
東南流注醴即呂忱所謂峴水又云汝水又東得醴水口  
水出南陽雒縣亦云導源雒衡山即山海經云衡山也郭  
景純以為南岳非也馬融廣成頌曰面據衡陰指謂是山

在雒縣界故世謂之雒衡山依山海經不言有水然醴水  
東流歷居山下即高鳳所隱之山也醴水又東南與皋水  
合又東南逕唐城北又屈而東南流逕葉縣故城北又逕  
其城東與燒車水合又東逕葉公廟北又東與葉西陂水  
會又東注葉陂又東逕鄭縣故城南左入汝山海經曰醴  
水東流注於泚水也又注灑水云又東北澧水注之水出  
雒衡山東南逕建城東建當為卷字讀誤耳郡國志云葉  
縣有卷城其水又東流入於濼王粲贈孫文始詩悠悠澹  
澧十道志澧州在澧水之北故取為名寰宇記唐州方城  
縣衡山漢志衡山澧水所出即桐柏之連岡也史記夏本  
紀汶山導江東別為沱又東至于澧索隱云按騷人所歌  
濯余佩於醴浦明醴是水虞喜志林以醴是江沅之別流  
而醴字作澧也禹貢指南楚詞云遺子佩兮澧浦澧音禮  
今澧州澧水在焉澧字從水從豐豐音禮豆登之屬與豐  
字不同漢地理志作醴  
東入汝者見水經注

澧

水出南陽蔡陽東入夏水從水員聲

王分切

水出南陽蔡陽者水經澧水出蔡陽縣東南過隨縣西又  
南過江夏安陸縣西又東南入於夏酈注澧水出縣東南

大洪山在隨郡之西南竟陵之東北澗水出於其陰時人以澗水所導故亦謂之為澗山矣寰宇記安州漢川縣澗水在縣東十七里源自隨州東陽縣大紅山經雲夢縣界左傳定四年吳從楚師及清發清發澗水之別名九域志安州安陸縣有澗水隨州隨縣有澗水東入夏水者見水經

**由** 水出汝南弋陽坐山東入淮從水卑聲 匹備切又匹制切

水經注泄水自濡谿逕安豐縣北流注於淠

淠水在縣西五十里源出光山縣陰山馥案酈注言出坐山西北流歷陰山關東入淮者水經注淮水又東北淠水注之水出弋陽縣南垂山

**潁** 水出汝南上蔡黑閭澗入汝從水意聲 於力切

文當作潁

水出汝南上蔡黑閭澗者水經注汝水云汝水又東南左會潁水水上承汝水別流於奇頷城東東南流為練溝逕

召陵縣西東南流注至上蔡西岡北為黃陵陂陂水東流於上蔡岡東為蔡塘又東逕平輿縣故城南為潁水九域志蔡州汝陽縣有潁水入汝者水經注潁水又東南左迤為葛陂陂水東出為鮑水潁水自葛陂東南逕新蔡縣故城東而東南流注於汝意聲者集韻引作潁當為雷聲因象誤也隸體乃作潁

**洧** 水出汝南新鄆入潁從水凶聲 蘇計切

水出汝南新鄆者或借細字地理志汝南郡細陽顏注居細水之陽故曰細陽細水本出新鄆水經注潁水云細水上承陽都陂陂水枝分東南出為細水細水又南逕細陽縣又東南逕細陽縣故城南又東南積而為陂謂之次塘又東南流屈而西南入潁入潁者水經注引地理志細水出細陽縣東南入潁今漢志無此文

**濯** 水出汝南吳房入潁從水瞿聲 其俱切

水出汝南吳房者地理志汝南郡濯陽下應劭曰濯水出吳房東入潁也後漢書吳漢傳成子旦為濯陽侯注云濯陽縣名屬汝南郡在濯水之陽因以為名其地今豫州吳房縣也水經濯水出汝南吳房縣西北與山東過其縣北

入於汝 入瀨者水經作入汝酈注濯水東逕濯陽縣  
故城西東流入瀨水亂流逕其縣南又東入於汝水  
**潁水** 出潁川陽城乾山東入淮從水頃馨豫州浸 余頃切

或借洞字高士傳  
下隨投河水而灰

水出潁川陽城乾山者寰宇記引本書作陽乾山括地志  
晉地道記並作陽乾山地理志潁川郡陽城縣陽乾山潁  
水所出東至下蔡入淮元和志潁陽縣陽乾山在縣東二  
十五里潁水一源出陽乾山水經潁水出潁川陽城縣西  
北少室山酈云山海經曰潁水出少室山地理志曰出陽  
城縣陽乾山今潁水有三源奇發右水出陽乾山之潁谷  
中水導源少室通阜東南流逕負黍亭東與右水合左水  
出少室南溪東合潁水故作者互舉二山言水所發也昭  
元年左傳勞趙孟於潁注云潁水出陽城縣襄十年傳與  
楚師夾潁而軍注云潁水出陽城至下蔡入淮宣十年傳  
逐楚師於潁北釋例云潁水出河南陽城縣陽乾山東南  
經潁川汝陰至淮南下蔡縣入淮釋水潁為沙馥按易需  
卦需于沙正義云沙水旁之地詩大雅鳧鷖在沙是也邵  
君晉涵曰水經注潁水自臨潁縣西流注小潁水出焉爾

雅曰潁別為沙是小潁水即沙水矣呂氏春秋離俗篇乃  
自投於潁水而灰注云潁出於潁川陽城西山中也史記  
鄭世家潁谷之考叔正義云括地志云潁水源出洛州嵩  
高縣東南三十里陽乾山今俗名潁山泉源出山之東谷  
其側有古人居處俗名潁墟故老云是考叔之故居即酈  
元注水經所謂潁谷也釋名潁川因潁水以為名也博物  
志潁出少室晉地道記潁水出陽乾山東入淮者水經  
潁水東南至慎縣東南入於淮酈云春秋昭公十二年楚  
子狩于州來次于潁尾蓋潁水之會淮也海內東經潁水  
出少室山入淮注云今潁水出河南陽城縣乾山東南經  
潁川汝陰至淮南下蔡入淮 豫州浸者漢志引職方荆  
州寢曰潁湛顏云潁水出陽城陽乾山宜屬豫州許慎又  
云湛水豫州浸並未詳也通典周禮職方荆州浸  
曰潁湛潁水出陽城乾山宜屬豫州在此非也

**潁水** 出潁川陽城山東南入潁從水有聲 榮美切

水出潁川陽城山者地理志潁川郡陽城縣陽城山洧水  
所出東南至長平入潁過郡三行五百里詩褰裳涉洧傳  
云洧水名也成十七年左傳公會尹武公單襄公及諸侯  
伐鄭自戲童至於曲洧杜注今新汲縣治曲洧城臨洧水

襄元年傳敗其徒兵於洧上昭十九年傳龍鬪於時門之外洧淵杜注洧水出熒陽密縣東南至潁川長平入潁三國典畧東魏慕容紹宗高岳等堰洧水以灌潁川括地志洧水在鄭州新鄭縣北三里古新鄭城南九域志河南府登封縣有陽城山洧泉元和志告成縣本漢陽城縣陽城山在縣東北三十八里東南入潁者水經洧水出河南密縣西南馬領山東過習陽城西折入於潁春秋釋例洧水出熒陽密縣西北陽城山東南至潁川長平縣入潁史記蘇秦列傳東有宛穰洧水正義云在新鄭東南流入潁顏注漢書洧水出熒陽密縣東南至潁川長平入潁也

**潁**

潁水出潁川陽城少室山東入潁從水急聲

於謹切

水出潁川陽城少室山者廣韻作潁云水名在潁川地理志汝南郡潁強下應劭曰潁水出潁川陽城水經潁水出潁強縣南潁中東入潁酈注潁水出潁川陽城縣少室山東流注於潁水元和志登封縣少室山在縣西十里高十六里周迴三十里潁水源出焉潁水有三源右水出陽乾山中水導源少室左水出少室南溪東合潁水竹書紀年顯王二十三年孫何取潁陽水經注潁水云中水導源少室通阜東南流逕負黍亭東亦或謂是水為潁水字或作

潁元和志陳州潁水縣本漢汝陽縣屬汝南郡潁水經縣北去縣三里又蔡州鄆城縣下云大潁水上承汝水自襄城至岐額城分流南為汝水北為潁水小潁水在縣西北六十里至縣合為大潁水東入潁者水經潁水過南頓縣北潁水從西來流注之酈注潁水於樂嘉縣入潁不至於頓寰宇記商水縣潁水從西華縣南來經縣西四里過入潁

**潁**

水受淮陽扶溝狼湯渠東入淮從水過聲

古禾切

水受淮陽扶溝狼湯渠者浪徐錯本作狼水經注引本書作菹蕩渠倍十九年左傳正義云凡水首從水出謂之受流歸他水謂之入漢書之例為然過經典作渦地理志淮陽國扶溝縣渦水首受狼湯渠東至向入淮過郡三行千里顏注狼音浪又陳留魯渠水首受狼湯渠東至陽夏入渦渠藝文類聚引地理書滎陽有浪蕩渠通俗文渠在浚儀曰菹蕩也寰宇記菹宕渠即汴河之別名水經河水東過滎陽縣北菹蕩渠出焉又後漢書王景傳永平十二年議修汴渠夏發卒數十萬遣景與王吳修渠築堤自滎陽東至千乘海口千餘里明年夏渠成馥按水經注載王景

事於菴蕩渠下後漢書注云汴渠即菴蕩渠也水經潁水  
至新陽縣北菴蕩渠水從西北來注之酈注經云菴蕩渠  
者百尺溝之名別也水經又云陰溝水出河南陽武縣菴  
蕩渠東南至沛為過水又東南至下邳淮陵縣入於淮酈  
注陰溝始亂菴蕩終別於沙而過水出焉過水受沙水於  
扶溝縣許慎又曰過水首受淮陽扶溝縣菴蕩渠不得至  
沛方為過水也爾雅曰過為洵郭景純曰大水洸為小水  
也呂忱曰洵過水也通典河陰縣下云汴渠在縣南二百  
五十步坤元錄曰亦名菴蕩渠今名通濟渠首受黃河漢  
書有滎陽漕渠如漕曰今礫溪口是也水經云河水又東  
過滎陽北菴蕩渠出焉酈元注云大禹塞滎澤開渠以通  
淮泗後漢書云初平帝時河汴決壞明帝永平中乃令王  
景理渠隄坤元錄又云自宋武北征之後復皆湮塞隋煬  
帝大業元年更令開導名通濟渠西通河洛南達江淮煬  
帝巡幸每泛舟而往江都焉又亳州譙縣下云有過水魏  
黃初中文帝自譙循過入淮老子內傳生於陳國過水李  
樹下魏文帝集建安十八年至譙州余兄弟拜墳墓乘馬  
游觀經東園過水乃駐馬書鞭作臨過賦王粲浮淮賦從  
王師以南征浮淮水而遐逝背過浦之曲流望馬邱之高  
筮三國典畧侯景眾大潰爭赴過水水為之不流後魏孝

文帝於漢山桑縣地置揚州北臨過水魏書地形志南譙  
郡有過陽縣九域志開封府太康縣有過水寰宇記開封  
府太康縣過水首受蔡水東流經縣正北又借過字晉石  
苞鎮淮南間吳欲為寇築壘過水以自固東入淮者水  
經淮水云又東過當塗縣北過水從西北來注之酈注淮  
水又北沙水注之經所謂菴蕩渠也淮水於荆山北過水  
東南注之魏志武帝紀軍至譙作輕舟自過入淮馥案漢  
淮陵縣有過口晉揚州刺史牽宏擊吳丁奉於過口即過  
水入淮處

# 海

## 水受九江博安洵波北入氏從水世聲

余制切

水受九江博安洵波者博安當為博鄉洵波當為芍陂地  
理志廬江郡濳縣泚水北至壽春入芍陂水經泚水出博  
安縣北過芍陂西與泚水合西北入於淮酈注博安縣地  
理志之博鄉縣也泚水自縣上承泚水於麻步川西北出  
歷濡谿謂之濡水水經泚水云又東北至九江壽春縣西  
泚水泄水合北注之酈注泚水云又東北逕博安縣泚水  
出焉北入氏者趙一清曰九江不間有氏水蓋泚水合  
泚水以入淮而或誤以為入泚水經泚水篇云泚水從南

來注之善長糾之曰泚陽無泄水蓋  
誤引壽春之泚泄百因泚訛而為氏

水受陳雷浚儀陰溝至蒙為雖水東入于泗從水反

聲皮變切

後漢書明帝紀十三年詔曰自汴渠決敗六十餘歲加頃年  
以來雨水不時汴流東侵日月益甚水門故處皆在河中漭  
濇廣溢莫測圻岸蕩蕩極望不知綱紀今兗豫之人多被水  
患迺曰縣官不先人急好興它役又或以為河流入汴幽冀  
蒙利故曰左隄疆則右隄傷左右俱疆則下方傷宜任水執  
所之使人隨高而處公家息壅塞之費百姓無陷溺之患議  
者不同南北異論朕不知所從久而不決今既築隄理渠絕  
水立門河汴分流復其舊迹陶邱之北漸就壤墳故薦嘉王  
潔牲以禮

禮河神

水受陳雷浚儀陰溝者地理志河南郡滎陽縣卞水在西  
南馥案卞今作汴俗寫飯字亦作飢皆惡反字也宋書謝  
靈運傳次師於汴上猶存篆之正體陳雷風俗傳浚儀周  
時梁伯所居國都竹書紀年梁惠王為大溝以行圃田之

水水經汴水出陰溝於浚儀縣北又東至梁郡蒙縣為獲  
水鄴注陰溝卽菑蕩渠也汴承旃然而東自王賁灌大梁  
也於大梁北又曰浚水矣故圈稱著陳雷風俗傳曰浚水  
逕其北者也又東汴水出焉故經云汴出陰溝于浚儀縣  
北也又注濟水云出河之濟卽陰溝之上源也史記秦始  
皇二十二年王賁攻魏引河溝灌大梁元和志河陰縣本  
漢滎陽縣地汴渠在縣南二百五十步亦名菑蕩渠禹塞  
滎澤開渠以通淮泗後漢初河汴決壞明帝永平中命王  
景修築渠隄十里立一水門令更相潤注無復潰漏之患  
會鞏曰昔禹於滎澤下分大河為陰溝出之淮泗至浚儀  
西北復分二渠或曰鴻溝始皇疏之以灌魏郡者是也或  
曰浪宕渠自滎陽五池口來注鴻溝者是也或曰浚儀渠  
漢明帝時循河流故瀆作渠渠成流注浚儀者是也宋至  
道中上問汴水疏鑿之由張洎對曰禹於滎澤下分大河  
為陰溝引注東南以通淮泗至大梁浚儀復為二渠一渠  
東經陽武中牟臺下為官渡水一渠始皇鑿川灌郡謂之  
鴻溝卽出河之溝亦曰滎溝今荳荳渠是也至蒙為雖  
水東入於泗者寰宇記宋城縣蒙澤在縣北三十五里左  
氏傳宋萬弒閔公於蒙澤杜注云蒙澤宋地蒙縣也雖水

當為獲水地理志梁國蒙縣獲水首受苗獲渠東北至彭城入泗過郡五行五百五十里水經獲水出汭水於梁郡蒙縣北又東過蕭縣南睢水北流注之又東至彭城縣北東入於泗又泗水又東南過彭城縣北注云泗水又南淮水入焉馥案淮當為獲水經濟水又東過彭城縣北獲水從西來注之是也或曰汭入獲獲受睢睢入泗雖水當為睢水水經睢水出梁郡鄆縣東過睢陽縣南又東過相縣南屈從城北東流當蕭縣南入於陂鄆注睢水出陳留縣西菴蕩渠東北流經言出鄆非矣睢水東南流入於泗謂之睢口經言止蕭縣非也地理志陳留郡浚儀縣睢水首受狼湯水東至取慮入泗僖十九年左傳宋公使邾文公用鄆子於次睢之社注云睢水受汭東經陳留梁譙沛彭城縣入泗寰宇記陳留縣睢溝在縣東南五里輿地志云汭水自滎陽受睢水東至陳留彭城南入泗水

**澗**

水出鄭國從水會聲詩曰澗與洧方渙渙兮

側說切

水出鄭國者後人加國字本謂山陽郡之鄭縣也詩釋文引本書亦無國字本書鄭下云宗周之滅鄭徙澗洧之上鄭下云妘姓所封澗洧之間水經澗水出鄭縣西北平地鄆注澗水出鄆城西北雞絡塢下南注於洧詩所謂澗與


洧者也世亦謂之為鄆水也詩褰裳涉澗傳云澗水名也馥案澗作澗者猶蜻首作蜻首也元和志新鄭縣澗水出縣西北三十里平地寰宇記新鄭縣澗水二水澗水在縣北洧水在縣南詩曰澗與洧方渙渙兮者鄭風澗洧文彼作澗傳云澗洧鄭兩水名

**澗**

水在臨淮從水交聲

力膺切

水在臨淮者地理志泗水國凌縣凌水出南入淮



詩經卷之三十一  
卷三十一  
三十一

